

光緒丙子清河縣志



清河縣志序

光緒丙子清河縣志序

文宗御極之十年皖逆鴟張浦垣蕩析

朝議幡然釐劃營制重以洪流北徙廳若營擁其綴旒

乃裁河督併漕督修防改操規樞不備越又十年而

彬奉

天子命總漕斯土繙繹舊籍喟然歎曰自乾隆移治以

來上下百餘年閒甌亂變革未有若斯之亟者也先是

邑志成於咸豐四年泊兵燹後漕督盱眙吳公方完殘

整劫瘡痍噢咻清人曰不可無述以是有續編之舉無

幾羣醜削平知淮安府事章君儀林思與民休息歷牒

大府減攤賦興漑利寒暑於是飢渴於是清人曰不可無述以是有再續編之舉皆自爲汗簡不蒙前錄紀新政也重改作也余讀而偉其義美其辭雖然於實錄之體良得之矣將誦者舉今而遺古指南而昧北夫何以掇拾大凡而蒼厥都要哉私心愄然懷而有待邑人比部吳君稼軒進而言曰總三書爲一辨其源流晰其沿革剗其空文併其猥瑣不羸新不沒舊以因爲創則若之何余曰善遂屬比部與山陽魯仲實茂才舉斯役凡竟歲而告成今觀其書條理明白殊流共貫而錯綜鉤棘纖悉秩如城鎮坊署志昔所以燬之今所以增之河

防運道志昔所以順軌今所以壅滯鞭賦徵額志昔所以攤代今所以減豁軍靡職掌志昔所以單贏今所以用壯此其犖犖大者則旣靡得而閒然矣他所登削裨必有辭不復還是病不牴牾是訾創亦因云爾因亦創云爾抑更有言者計然曰歲在金穰水毀木饑火旱六歲穰六歲旱十二歲一大饑天之行也 文彬 以中材後先承乏及茲三紀閏矣日屬太歲次丙子醜澤愆期驕陽熾薄始六月迄乎九月歲則薦饑流孳望於道妖民煽亂訛言其興私心憤懼是用赫然盪穢鋤惡然後爲萬民請命重賴

天子仁聖金粟電發口哺手摩溝壑甦息嗚乎清民殆矣自移縣來百餘年鼓腹以嬉者今日十數年而重困焉不有仁者曷以起凋瘵而靖艱虞顧獨念安之不可遺危小恙之不可忽諸則區區振荒之舉母乃亦得埒於簡末用警後之人故序其大略如此署之曰光緒丙子志示不忘也丁丑冬月下澣督漕使者長白文彬序

凡例

一舊志成於咸豐四年迄今二十餘年而河道之更徙兵燹之擾害其爲變故亦云實繁至於民賦豁減尤爲邑之大政雖有增編及再續編兩次記載而首尾不具使閱者茫無歸宿今故總蒼爲一名曰創始實皆仍舊惟於前志空文一皆裁節專取文直事覈庶免濫觴之誦

一清江浦街衢燬於兵火而仍列之建置明興廢之原河流北徙而仍列之川瀆紀變遷之故攤代已豁而舊額仍存識田賦之本其他鹽課關稅今昔無殊皆

於下方注明某處從咸豐志以明不敢掠美

一貢舉秩官列為橫表非變前書之例意在開卷了然

吏階空名封贈虛美徒增卷軸芟蕪為宜惟於秩官

表後取其政跡最著者增為仕績一卷敢云如有所

譽亦曰善則從長者也

一人物五卷自咸豐初年以前皆從前志登載以後皆

從再續編登載間有一二增易必其確有根據非關

臆說如吳從眾前志作吳璜宗人今據吳氏宗譜改為璜弟之類至如汪道徵之

父湯日升調鼎王振元之藩陳世美伯璫諸人事蹟

既略前書彙為一傳今則分冠各名於其子傳之內

庶使以類相從

一自咸豐十年十一年同治元年捻逆三次東竄士民

婦女死者無慮數百千人再續編皆能舉其姓字今

是書止列婦女而於士民略而不書士有百行女惟

一終故不得不略示區別

一雜記一卷前志援引舊文叢萃成書今則續以近事

身櫻離亂不敢諱飾覆轍之戒實用凜然又前書增

見祥禳一門以案牘無徵緣乾隆志而止今取水旱

凶荒耳目所接者次之下方冀存事實而已

光緒丙子清河縣志修纂姓氏

鑒定

兵部侍郎兼都察院右副都御史漕運總督文彬

鑒修

布政使銜江蘇分巡淮揚海河漕鹽驛兵備道劉咸

布政使銜署江蘇分巡淮揚海河漕鹽驛兵備道王翬翎

二品頂戴按察使銜署江蘇分巡淮揚海河漕鹽驛兵備道龐際雲

鹽運使銜道員用前安徽池州府知府陳介璋

參訂

運同銜同知直隸州用前署淮安府清河縣知縣胡裕燕

光緒丙子清河縣志

姓氏

補用知府同知用調署淮安府清河縣知縣萬青選

纂修

刑部員外郎 邑人吳昆田

增貢生 陽山魯蕢

光緒丙子清河縣志目錄

卷一圖說

卷二疆域 沿革 四至 分星 高度 形勢

卷三建置 城池 公署 街坊 壇廟 鄉鎮

卷四川瀆上 黃河 淮河 運道

卷五川瀆中 黃河 淮河 運道 中河

卷六川瀆下 工程 附各支河

卷七民賦上 戶口 里甲 原編田畝 原編徵額

卷八民賦中 丈除田畝 丈除徵數 新編田編

卷九民賦下 解支 湖河運灘 蠲振 雜稅

卷十學校 學宮 學額 學田 書目 禮樂器
名宦祠 鄉賢祠 書院

卷十一貢舉 附徵辟

卷十二軍政 附驛傳

卷十三秩官一

卷十四秩官二

卷十五秩官三

卷十六秩官四

卷十七仕蹟

卷十八人物一

卷十九人物二

卷二十人物三

卷二十一人物四

卷二十二人物五 流寓

卷二十三列女上 節婦

卷二十四列女下 烈婦 烈女 貞女 孝婦
附賢母 義婦 流寓

卷二十五古蹟 藝文

卷二十六雜記 附祥祲

光緒丙子清河縣志卷一

舊縣四境圖


新縣四境圖

新建縣城圖



南北鄉土圩圖

文廟圖


新建縣署圖



舊縣四境圖



新建縣城圖
 城週圍計長一千二百七十
 三丈六尺五寸高一丈八尺
 城門四座東曰安瀾西曰登
 稼南曰迎薰北曰拱辰東北
 小水門一道東西水閘二座




北土圩在汝黃堤西自四公
 祠迤西運河堤根起東至
 藏家馬頭東首運河堤根止
 長一千四百四十七丈三尺

南土圩在王帶河北堤西文
 自二公祠迤東運河堤
 根起東至雲壩堤根止
 長一千二百三十三丈一尺
 東西橫堤各長三十四丈




西





東

文廟圖



新建縣署圖



河營候補千總邑人邱振西繪

光緒丙子清河縣志卷二

疆域	沿革	四至	分星	高度	形勢	風俗
<small>物產</small>						

沿革

清河縣舊隸禹貢徐揚二州之域春秋末屬吳周貞定王二十四年楚東侵廣地至泗上地入於楚秦并天下始建淮陰縣屬泗水郡咸豐志按班書地理志臨淮郡領縣二十九而淮陰第十三攷臨淮分沛東陽立沛本秦泗水郡地也東陽景駒所立非秦故郡則淮陰在漢屬臨淮在秦屬泗水可知漢初改泗水為沛郡元狩六年分為臨淮郡王莽改淮陰曰嘉信東漢以臨淮并東海永平十五年更為下邳國建安十一年國除復置太守皆以淮陰縣屬魏承漢制無所更改

咸豐志按三國志稱步騭臨淮淮陰人似淮陰又屬臨淮然攷宋書州郡志晉太康元年始分下邳之淮南為臨淮郡豈吳先已改易而晉因之歟抑陳壽據晉制書之

晉初屬臨淮郡太康三年移廣陵郡治淮陰江表傳廣陵太守陳登治射陽則太康自射陽移治也見三國志裴注

元帝渡江廣陵治移去而以鎮北征北將軍青兗二州刺史或徐州刺史鎮淮陰淮陰遂為重鎮永和五年苟

羨以地形都要水陸交通易以觀釁沃野有開殖之利方舟運糧無他屯阻乃營立城池淮陰城自此始宋泰

始三年盡失淮北地乃於淮陰立兗州鎮七年謂之北兗州齊建元四年兗州鎮移去初兗州北對清泗臨淮

守險田稻豐饒所領惟平陽僑郡永明七年從光祿大

夫呂安國請於是立東平郡於淮陰安國啟稱北兗州民戴尚伯訴舊壤

幽隔飄寓失所今雖創置淮陰而平陽一郡州無實土寄山陽境內竊見司青徐三州悉皆新立並有實郡東平既

是郡招集荒落使本壤族姓有所依歸臣尋東平郡既

是此州本領臣賤族桑梓願立此邦領壽張淮安二縣壽張割山陽官

瀆以西三百戶置淮安割直瀆破釜以東淮陰鎮下流

雜一百戶置實當今縣西南境洪澤下游之地破釜即今洪澤

梁改北兗為淮州領淮陰郡治淮陰故城曰懷恩縣又

有富陵魯富陵漢縣舊名魯創立也太清三年侯景以

蕭弄璋為北兗州刺史州民發兵拒之於是淮陰復稱

北兗景遣其將羊海助弄璋海以眾降東魏東魏遂據

北兗景遣其將羊海助弄璋海以眾降東魏東魏遂據

北兗景遣其將羊海助弄璋海以眾降東魏東魏遂據

北兗景遣其將羊海助弄璋海以眾降東魏東魏遂據

北兗景遣其將羊海助弄璋海以眾降東魏東魏遂據

淮陰仍稱淮州淮陰郡懷恩縣高齊併魯富陵於懷恩
 陳大建五年吳明徹伐齊十一月淮陰城降九年沒於
 後周復改縣曰壽張立東平郡如蕭齊之舊隋復為淮
 陰郡尋廢郡而改壽張縣仍稱淮陰大業初併淮陰於
 山陽山陽之兼淮陰自此始唐初復立淮陰武德七年
 省咸豐志按唐立淮陰史無明文以武德七年省知之乾封二年析山陽復置自
 秦立淮陰以來至此屢變而復並為今清河南境地其
 淮水以北在漢當公猶淮浦二境之交所屬莫得詳焉
 晉義熙中土斷立角城縣今縣西北境得其地與桃源
 分壤而角城縣治實不及清河境詳見後角城下唐武德四年

分漣州置金城縣今縣東北境得其地與安東分壤其
 金城縣治於清河安東未知何屬初唐置金城後三年
 省淮陰入山陽又三年省金城入漣水又四十一年而
 淮陰復淮陰屬淮南道楚州也金城屬河南道泗州也
 自唐及五代及宋淮陰並仍舊名高宗南渡析淮陰置
 吳城縣三年罷紹興五年廢淮陰為鎮逾年復立立後
 六年當金皇統元年宋奉表割地以與金和約淮水中流為界
 西起唐鄧東及胸海於是清河北境並割入金金以吳
 城鎮隸臨淮金城鎮隸漣水見金地理志泗州海州下宋亦移淮陰
 治於八里莊嘉定七年後十七年當金正大八年宋淮陰降

金改爲鎮淮府端平元年元滅金金遺民來歸咸淳九年始置清河縣屬清河軍清河縣自此始立三年地入於元元初清河淮陰並置而省清河軍以縣屬淮安路錄事司至元二十年併淮陰入山陽淮陰於是四入山陽而清河以後立乃獨存縣初治大清口止得今河北地及秦定中河決徙治淮陰之故城始得淮陰故地而縣境及淮水南南至三角村東及七里墩與山陽分界天歷中又移治小清口之西北東去淮陰城十里今所稱舊縣者也明因元舊崇禎末遷治甘羅城 本朝因之康熙中屢圯於水乾隆二十六年

舊作二十七年今從學校改正

蘇巡撫陳宏謀疏請移治山陽之清江浦而割山陽近

浦十餘鄉併入清河是爲新縣治

戶部清河移縣册自清江浦西南武家墩

顯王廟爲界畫分起由太平橋至海會寺西運河南岸止長三千二百七十丈自運河北岸圓通庵東爲界畫分起由汰黃隄至惠源庵東黃河南岸止長一千九百五十丈又自黃河北岸山安交界畫分起至清安交界止長六千六十二丈併歸清河自其南界棠梨涇青州澗仍屬山陽外棠梨涇今周橋青州澗今汶河皆故淮陰境今屬山陽 餘盡得古淮陰地云

四至

縣治在 京師南少東一千九百四十二里江甯布政

司治北五百三十里淮安府治西少北三十里

山陽縣治同

今治在舊治東二十五里中貫淮流東抵山陽海會寺

界五里南抵山陽漆家橋界七里西南抵盱眙霍山界
 百二十里西南至盱眙縣治百六十里西抵桃源張家
 溝界五十里西北至桃源縣治九十里北抵流陽北六
 塘河界八十里北至流陽縣治百四十里東北抵安東
 練湖界三十五里東北至安東縣治六十里凡縣境東
 西廣六十里南北袤百八十里

分星

自淮以北徐州之域降婁之次也自淮以南揚州之域
 斗牛之分也

高度

京師北極出地高四十度清河北極出地高三十三度
 三分七秒較 京師差六度五十六分三秒計橫黍尺
 清河去 京師鳥道一千七百二十四里二百十步準

今營造尺一千三百八十七里三分里之二

此康熙間實測準舊

治也與今高度略同

京師夏至日出寅正二刻五分日入戌初

一刻十分清河夏至日出寅正三刻十三分日入戌初

初刻二分計清河日出後 京師一刻八分日入先

京師一刻八分冬至 京師日出辰初一刻十分日入

申正二刻五分清河日出辰初初刻二分日入申正三

刻十二分計清河日出先 京師一刻八分日入後

京師一刻八分其偏度在 京師東二度三十四分七
杪計橫黍尺六百四十四里二百十步準今營造尺五
百十五里三分里之二每節氣時刻較 京師加十分
有奇

形勢

境內少山多水襟淮帶河二流交會漕渠迤邐而右轉
洪湖營潑而北注可耕之田少官隄湖堰綺脈交錯其
東南所分皆山陽下鄉礲鹵舊縣池北積水汙萊灌莽
彌望獨東北境絙三數十里地稍亢百餘年來黃流移
奪一經過輒爲航空長溪大澤旁擁沙爲岸民少佃作

其中而西南鄉自吳城六堡洩河後

道光二十八年填
事見川瀆下

淤數十萬畝輻輳墾作桑麻雞犬村市曖然視河北乃
爲蕃衍要皆平野閒曠無隘可阨逾湖而南有老子山
接於霍山地絕遠遠連界外亦不足以資捍蔽云

風俗

禮俗大都淮楚同風無冠禮童子勝衣則纓冠垂帶容
遂如成人昏不責財物土人知重門戶市垣全雜望富
求昏其鄉里愚民指腹贈杯或奠鴈未除瘠病成禮小
家孤嫠甚相擿奪雖嚴法峻刑弗能禁也喪禮浮屠陰
陽鼓吹習遵常俗三日祖餞芻靈輿馬望空焚拜七七

之期酒脯向夕葬時牲牢品物富者維備至治酒食供張具不則爲愆近士大夫遵古變俗一二有之然終已難返祭之日清明七月望十月朔冬至除夕以時供物弗先事戒備四仲之卜犧牲三獻之儀希有行之者也乾隆志云士風在昔尙廉恥重然諾强者俠烈負氣有西楚之遺弱者守文拘墨醅謹自憙又云四鄉無十里之田中農無一歲之稽賦三倍於鄰封漕遠糴於他郡欲農無病不可得也咸豐志云初時衣冠樸素富家一羊裘夏葛衫草笠齊民等列婦女無華飾髻不盈握裳不曳地萬金之家農節餉饒其風甚古自縣治左移官省吏舍冠蓋相望市廛雜還浩穰百端春夏有糧艘之載挽秋冬有鹽引之經通河防草土之事四時之中無日休息貧民失業力食致飽或白手空游而得厚實民乍富乍貧日月異趣主與客相耀野與市相驅士有閉蓬戶然膏油不入公卿之門則僕隸笑之婦人衣不呈質錦純繡領費過其材至如清門素士縞綦椎髻少與昏對然其賢者猶能啜已自好衣布履絢踴塵土之中終歲不踵府寺土瘠而俗重變之百年而未改各有巧拙非一情也又云自淮湖漲溢西南諸鄉沈沒民稍網罟漁獵而河北廢鹵宜畜牧家有牛欄豕牢藉以糞

漬要皆農事餘業民間尤好釀酒榨油或致殷實地通南北小農去而販大農去而賈貪多取贏則折閱隨之故城市貧於官鄉野貧於商物產

五穀宜麥菽秫下隰產稻十一其蔓野芋長生貧者賴

以卒歲貨之大者有棉靛紅花縣境產棉甚稀知縣萬青選教以蠶桑紡織之法刊為圖說徧示

鄉民棉織寢廣果有桃杏李奈木多椿榿白粉青楊

有桑而蠶者寡蔬有菘韭紫茄赤莧瓜瓠之屬水浮菱

藕藥物芫蔚薄荷地膚括蕞蕃而不良六畜富擾尤多

羊馬每歲邊馬至或數千百蹠色別為羣縱牧河岸望

若雲錦亦有雉兔鵠鴈燕雀水族滋生美者魴魷鱸鱖

黃瓜白小白小之腊行天下介之巨者龜洪澤中多有

之

光緒丙子清河縣志卷三

建置

城池
津梁

公署

街坊

壇廟

鄉鎮

圩砦

清河舊城在大清河口宋咸淳九年淮東制置使李庭芝築元泰定中河決城圯縣尹耶律不花請遷於河南岸甘羅城地僻水惡居民鮮少天曆元年達魯花赤哈麻再遷小清口之西北而無城至元十五年兵起築土城三面周六里有奇有東西北三門無雉堞樓櫓因河為池制度簡陋明季之亂再徙甘羅城不久復舊 國朝康熙中河屢決縣益下壘土為隄官署倉庫從上視若阱歲水大至公私憂懼謀遷於漁溝及羅家荒議皆

格不果行乾隆二十五年江蘇巡撫陳宏謀疏請移治

山陽之清江浦宏謀疏略曰河勢北趨縣益危阡吏民屢以為請臣往來巡歷縣當孔道跨兩

河無可遷之地斯事體大臣觀山陽之清江浦總河駐節之地山清兩境犬牙相錯對岸王家營南北衝要與

浦毗連清河驛馬向設城中繞越隔遠河官駐節無地方同城去山陽懸隔三十里緩急莫應今若移清河縣

於清江浦割山陽近浦地歸之清江官商雲集五方雜處有知縣足以鎮撫彈壓其驛馬置於河北適中清河

無繞道撥馬之苦山陽無隔遠往返之煩河臣旌節之下設有同城官吏體制宜稱所費者小安者大諮訪督

府皆曰便云云又明年分地界計田賦立寺舍撥驛馬

壹切事宜定著為令顧久未遑城築咸豐十年豫逆東

竄縣燬於火同治四年漕運總督吳棠始建城於運河

南岸憑河守險是為清河新縣城吳棠新建清河縣城碑略曰咸豐元年三

年棠先後再宰清河於新縣之無城蓋嘗竊竊然慮之而非非常之原黎民所懼且必有以無戎而城尼之者禁

莫敢先發十年捻寇東竄浦垣失守披猖不可制同治紀元棠以江甯布政使兼署漕督奉命駐浦督師痛

定思痛為堅壁清野之議維時邑紳先築土圩北因汰黃隄南臨玉帶河有緒未成迺相度地勢縮而小之葺

而完之又於其中築甄圩北臨運河東西南各就窪下之地濬為濠略仿古人羅城子城之意未幾流亾漸集

人心大定始毅然創石城之議大致依甄圩之舊而東南稍廓焉昔時河湖隄岸舊有甄石自形勢變遷無關

修守奏請以為工用並燔其石以為灰其椿木之不甚朽壞者亦搜取之以承其址庶幾化無用為有用邪許

版築靡聞寒暑經始於三年之春至四年秋而工竣計長一千二百餘丈凡用白金十二萬兩有奇棠起家縣

令以迄今日自維艱危備歷無奇謀秘計為民捍患惟此與民相守之誼差足以自信者共信故不憚約言卑

論而詳述其原委如此自縣治既遷舊所營建率皆蕩泯而昔志

梗概存焉今分列新舊縣建置條具如左

舊縣建置

縣署明洪武三年知縣孔克勲建重修者再正統元年李信圭宏

治間明末燬於兵遷甘羅城即山清分府署為治本

朝李用質葺舊治焉重修者五康熙二十一年馬元二

涂璋乾隆七年鄭時署之制有堂有庫有戒石亭架閣十七年管鉅四十七年

庫有鹽庫有寅賓館有土地祠有廩有監有吏房有馬

政科有譙樓燬於倭更以枋其後為知縣宅 正堂之右有縣

丞宅後移升羅城其左主簿宅 典史宅在大門內之西

旌善亭在大門外之左 申明亭在大門外之右 祇

應房在大門外之左

察院在治東百步孔克勲建正統八年嘉靖四十二年

修孫之駮二申野錄正德十年八月山清外河同知署

清河縣有虎踰城入察院當即此

在甘羅城後移清江浦縣丞因之安清中河通判無署僦民居焉

康熙二十九年山清外河守備署在甘羅城 桃安清

中河守備署在治東一里二署後皆移清江浦外河主簿無署

中河主簿無署舊沈陽主簿康熙三十一年調巡檢司署在馬頭鎮洪武

三年惠濟閘閘官署 通濟閘閘官署舊管仲莊閘乾隆二年改建通

濟閘於河東以 福興閘閘官署乾隆二年設各治其所

仲莊閘官署 稅課司在治南洪武陰陽學在治南洪武醫學在治東

洪武年建有 養濟院在治東洪武年建宏治三年知

其倉有漕倉在治西半里

孔克勳建康熙二十九年管

建於明洪武三年至隆慶時廢其半康熙二十五年頗甚糧貯於大王廟城隍廟甚而明倫堂里收守之酒食謔浪神明褻越邑侯慨然問修計皆曰例在民公曰殘黎烏可勞哉遂捐厯任之俸以構之躬為省試尅日告成美備如舊而東西廩各增之南官廳亦厥之不派里甲一鑲比戶一徭由此時和年豐民無箕斗之嗟矣

有常平倉二一在治西漕倉內

雍正七年李必成建一在治大門

外之左

雍正十年知縣許逢元建即明盈貯厥舊址咸豐志按舊志常平倉貯穀二萬石乾隆三年又

收捐監穀八千石爾時積貯之多如此

有水次便民倉四

明天順七年知府楊景建以兌

軍米或曰

曰海州倉曰贛榆倉曰安東倉曰沭陽倉皆

在治西有預備倉四

明建文四年知縣鄒貴建

東倉在浪石堡西倉

在安羊堡南倉在高秋堡北倉在漁溝堡

或曰崇河集有盈

貯厥在治東

洪武三年孔克勳建雍正十年改常平倉按乾隆志有社穀百六十三石六斗三升

其館有公館在治南二里

府志作

市南館在新市之南

市北館在新市之北

驛有三清口驛在治東五里

洪武四年建宏治間遷治西二里嘉靖初遷治東一

里本朝雍正九年裁廩糧歸縣

洪澤驛在治東南六十里

洪武年建萬曆年裁

金城驛在治北六十里

洪武年建天啟年裁

凡街之名七十字街在縣治前

居仁街在治後 平

康街在治西

登瀛街在治東

橋東街在登瀛街東

倉前街在治西漕倉前

學前街在治東儒學前

凡巷之名五察院巷在治東

一名邵家巷

城隍廟巷在治東

倉巷在治西 關帝廟巷在治西 御巷在治東

凡坊之地五縣前坊 縣後坊 縣東坊 縣西坊

河東三鎮坊

凡市之集者九焉新市在大河之南 明正德間知府薛

舍立肆市弛湖禁通商賈民乃廟市口在治西 倉市

口在治西 學市口在治東 橋市口在治東 魚市

在治東隄上 柴市在河下 米市在河北岸 乾隆志云自前

明米船無鈔 本朝仍之 載在關例故米商雲集 雜糧市在治西隄上

井有九如意庵前井 乾隆志云在治西水最清冽 城隍廟東井 文

殊庵前井 馬神廟井 彤華宮前井 治後彤華宮

前井 儒學井 娘娘廟前井 甘羅城內枯井 按天

安府志又有後街中井

坊表二十有三進士坊在治西 為楊清 一在清江浦界 為石

渠登科坊在治西 為楊清 經元坊在治西 為章 雄飛坊在

治東 為曹禴 鳴鳳坊在治西 為李通 奎光坊在治西 為蘇

霑承美坊在治東 為段秦 桂林坊在治西 為田聰 狀元坊在

治前 為丁士美 節孝坊在河東 為張氏 澄清坊在察院前 興

傑坊在儒學之左 育英坊在其右 聚奎坊在儒學

大門之內 撫字坊在縣治前 綏來坊在市北館

勸農坊在市南館 通衢坊二在新市 招商集賈坊

在新市 卽次懷資坊在新市 新市坊在新市以上並廢

其壇廟存者見後如惠濟祠風神廟張將軍廟之類 其已廢而有關祀

典者社稷壇在治西北半里舊在治前洪武九年知縣陳立本改建 風雲

雷雨山川壇在治西里許 先農壇在縣東北雍正八年知縣

李清建藉田四畝九分 八蜡廟附焉 邑厲壇在縣西隄上舊在治後

康熙五十年移此 城隍廟在治東半里洪武三年建 淮神廟在治東

二里正德三年重建 火神廟在治西 一在縣前 一在治東

土神廟在治西康熙十一年重建 一在治內康熙四十七年 仲子

祠在仲家淺康熙八年奏設奉祀生一人 關帝廟在治西天啟二年建 劉

猛將軍廟在縣東雍正八年建 薛將軍廟在治東二里康熙七年

建 大王廟在治東百步許 晏公廟在洪澤鎮 耿公

廟在治西 馬神廟在治西以河決廢順治三年改建 天妃廟在官

亭鎮與今之惠濟祠為二 烈婦祠在治西為趙氏 節孝祠在治西雍正

九年建按乾隆志此外別有已廢諸寺觀非祀典所繫者今皆不取

新縣建置

原建縣署在運河之南北直斗姥宮東抵慈雲寺乾隆

二十七年知縣高辰建嘉慶十年雲曇壩決署圮寄治

慈雲寺十八年知縣龔京正復舊署之制有堂三重庫

房在正堂之左廳事在二堂之右其後為知縣宅 正堂之外為吏房東西向 廡在大門內之左 監在大

門內之右其北為典史宅咸豐十年豫逆東竄署燬於火尋改為都司署縣令復寄治慈雲寺

新建縣署在原建署西一里餘舊庫道署同治二年知

縣龍寅綬移建署之制有堂三重 廳事二在二堂之

東西其北為知縣宅 大堂之外為吏房東西向 庫

房在二門之東 廩在庫房之東 福德祠在庫房之

南 監在大門內之西其北為典史宅

總河署在新治南少西今改為總漕行轅 本管倉戶部公署永樂中

建康熙十七年河督靳輔駐節於此以為行館雍正七年以河道總督為江南河道總督十一年奏改為總河署咸豐十年豫逆東竄署燬惟存荷芳書院是年奉旨裁汰河員以漕運總督兼筦河務同治元年署漕督

吳棠即河署故址建為漕督行署焉 庫道署即今縣署 本淮徐道署雍正七年改設餘見前

揚道署在今縣署北 嘉慶十二年移駐咸豐十年燬同治四年揚道吳世熊重建 海

道署在其西 嘉慶十六年初設海道其署當在安東而未建此其行館咸豐十年燬 總督

行署在海道之西少南 乾隆五十四年改建咸豐十年燬 西揚道署在

總督行署之西 道光六年建而不居其後京員初至多居之咸豐十年燬 中鎮府署

在新縣署東 乾隆九年建 今為淮揚鎮署 都司署在其東

少北 乾隆元年建 今為中營守備署 參府署在其南 嘉慶十二年改

年改 今為中營遊擊署 裡河同知中河同知舊有署

皆廢 按裡河同知即明總督漕運府為署故其地稱漕運門又為廳門口 新建淮安府同

知署在運河北岸直城西北隅 同治十一年淮安府同知路崇建 外南

七

外北中河廳若營舊並無署

清河縣丞無署 裡河縣丞無署 治通 外南縣丞無署

裡河主簿無署 與外河縣丞舊隸山陽撥歸清河嘉慶十七年分設外北通判又改外河

縣丞為外南縣丞 外北主簿署在王家營 按外北主簿所居實道光初開減壩時總

督公館主簿因之非公署 今為參府署 中河主簿署在楊家莊 燬

巡檢署在馬頭鎮 燬 澗橋巡檢署在漁溝鎮 咸豐中巡檢屠湘波

建 聞官四各治於其間之所

倉有二常平倉在慈雲寺之左 乾隆二十七年移建厥五十一開半 豐濟

倉在洞陽宮之南 舊常盈倉地明永樂中平江伯陳瑄建厥凡百餘間後圯隆慶六年都御

史王宗沐重建厥八十餘間又圯道光二十三年庫道徐澤醅率外南同知王國佐建改名豐濟咸豐十年燬

新建豐濟倉在揚道署東 同治八年漕督張之萬命候補知縣許佐廷建山陽境內

置稻田十六頃二十三畝有奇安東境內置洋田十五頃六十四畝有奇清河境內置洪湖灘田三十三頃五

十二畝有奇收租積穀創立條規積稻三成雜糧七成每歲出陳易新兼寓平糶之法十一年漕督蘇鳳文將

山陽所收稻租撥四成儲積淮城西門樓以備凶荒

義學十有五燬者四文敷學在學宮之西 行修學在

池子崖 忠敬學在入京大道之右 信成學在海神

廟北 以上皆道光二十三年外南同知王國佐建咸豐十年燬同治元年漕督吳棠重建 一在馬

頭鎮 一在運河北岸中段 一在運河南岸景行祠

一在王營鎮 以上同治九年漕督張之萬建 一在楊莊鎮 一在運

河北岸新安會館 一在城內西北隅 以上同治九年漕督張兆棟建

吳城義塾

在娘子莊鎮道光十年邑人吳以詔建

興仁書塾

在包家河岸道光三十年

邑人陳玉珩請以觀音庵改建

中營義學

見軍政

皆燬

堂有五燬者一育嬰堂在地藏庵西

舊在倉門口雍正三年山旰通判萬

大受率監生萬一經捐

慈幼堂在育嬰堂之前

道光二十三年

庫道徐澤醅率外南同知王國佐建

今改為忠義祠

濟生堂在贊化宮

之後

道光二十八年

向善堂在漁溝鎮

道光三年吳朝觀吳昌基黃堯勳捐

一頃三十三畝

積善堂

在大橋口北岸乾隆六十年監生沈公調李敬亭孫公觀捐建

施棺

今燬

所有四棲貧所在厲壇之前

道光二十二年河一在清營參將盧永盛建

江閘東

道光二十三年盧永盛建

棲流所在清江閘東

咸豐三年知縣吳棠建

療貧所在山清界上

道光二十二年修咸豐元年重修

凡附治之坊鎮曰江甯廠鎮曰山東廠鎮舊造船廠也

按江甯廠一名南京廠管造旗手驍騎右龍江右興武府軍虎賁右水軍右羽林左廣洋錦衣潘陽右應天金

吾後龍江左龍虎鎮南橫海武德豹韜左雷守中豹韜

左等衛所每年百二十五隻五分山東廠管造臨清徐

州徐州左東昌濟甯任城東平德州德州左平山濮州

天津天津左天津右通州左通州右神武中定邊南京

江陰龍虎左水軍左等衛所每年百三十六隻九分二

廠東河淮安曰廠前坊曰廠後坊曰徐家湖坊曰磨盤

府同知督造曰廠前坊曰廠後坊曰徐家湖坊曰磨盤

莊坊

疑即宋史所云

曰工部前坊

舊工部署在焉

曰戶部前坊

舊戶部

署在焉

曰倉北門坊

舊常盈倉地

曰鳳陽廠鎮曰直隸廠鎮

亦船廠也

鳳陽廠管造懷遠淮安長淮宿州鳳陽中鳳陽右潁州大河鳳陽雷守中雷守左武平洪

塘等衛所百四十一隻三分直隸廠管造廬州六安壽州泗州滁州邳州揚州儀徵高郵興化通州泰州鹽城等衛所每年百四十四隻八分二廠西河以上在運河揚州府同知督造二廳公署俱在清江浦

之南其次由東而西曰朱家溝坊接山陽界曰仁義窪坊防

一覽仁義二壩原共一口出船係黃河埽灣又與清江開相鄰見今築隄其上以禦黃流按此即仁義窪所由得名當時實坊最大今析為三曰小河北東坊曰小河

北西坊曰西灘鎮曰太史莊鎮曰西五牌鎮曰頭二三井鎮以上在運河北其次亦由東而西

凡街之在河南者自大橋口抵舊戶部署曰戶部前街

右折而西抵常盈倉之前曰倉北門街左轉而東過工

部署前抵鎮東樓今無曰工部前街又東抵東廠曰漕

廠街自戶部街至漕廠街今所謂河南大街也自工部署後東抵廠前似當作後

曰磨盤莊街今所謂後街也自工部前轉而南抵仁義樓今無

曰提舉司街今失所在按天啟淮安志舊清江提舉司專造漕船萬曆四十年裁以今地

證之自清江閘少折而西過舊縣治後今都司署以後凡言舊縣治準

此逕紀家樓西至草市口曲而南又西過新縣署前皆

漕廠工部戶部之地橫街大街也自草市口北折而西

抵太平樓橫街也自紀家樓斜而西南抵張仙樓折而

西過中鎮府以屬於庫道前舊提舉司地之左右橫街

小街也自壩子口西至揚道署舊磨盤莊地橫街後街

也大橋口縱街也倉北門縱街也自大橋口折而西過

後海坊抵西揚道署橫街也自總漕署曲而南抵來鶴寺亦橫街也自總漕署東斜迤而南至碧霞宮縱街也空心街在紀家樓西亦縱街也南屬於中鎮府矣參府街在中鎮府街之南橫街也自舊縣治而東曲而少南過文廟前斜街也自杯渡庵後東達於米市亦斜街也舊廠前廠後地矣按咸豐志所載如此自庚申兵火後街衢一空近數十年以次修葺幾復其舊惟建城以來規撫改易如倉北門之縱街西揚道署及來鶴寺之橫街越在城西其街已燬文廟杯渡庵米市等處越在城東亦與城內之街隔絕惟舊蹟所繫不忍湮泯今故因仍舊文而識其變遷之故以見今昔情形殊異冀有振興而復其舊者

其街在河北者自清江閘東抵車路口曰仁義窪街自

仁義窪以東北抵草灣曰大車路口街自仁義窪以東南抵四門樓曰朱家溝街自清江閘以西抵海神廟曰小河北街太史莊街在小河北西龔家路街在小河北西以今地證之自東闕門以西過文昌閣迤而北轉而西逕老壩口西至於中關帝祠過中闕門又西過海神廟北又西少南至西闕門凡十里所謂河北長街橫街也即舊小河北街車路口街矣其別曰雙當舖街曰錄事一作陸四巷口街曰永甯街實相通為一街也自雙當舖而南轉而東曰全慶街亦橫街也自雙當舖而西曰老壩口街曰石馬頭街縱街也曰新盛街河南亦有新盛街與此別

街也在長街後矣

按老壩口街新盛街今亦未能復舊

巷之最著者觀音寺巷在工部前

水巷在其東 育

善巷在其西

安樂巷在其西

南巷在新縣署前

與仁

和巷相屬也

甘家巷在其南

咸豐十年燬舊志作青雲巷誤今正

東西都司巷

在都司署旁

今中營守備署

張博古巷在其西

相傳張力臣故居

湯巷

在新縣署西

湯調鼎故宅

郭家巷在城東闌上

燬

一在河北

文蔚巷在學宮旁

古洪門巷在清江浦樓東

燬閣

家巷在洪門東

燬

以上河南巷也又有竹巷

按山陽縣志巷在戶

部前臨運河

堅白貞女巷

清江浦轉南

久廢

其河北諸巷擡花巷在小河北西

燬

大有巷在其西

錄事巷在小河北東

錄事蓋善歌者巷以之名

美祿巷在錄事巷西

燬

避風樓巷在小河北東西之間

延壽巷在東闕門

延嘉巷在全慶街

棠滋巷在全慶街

木棗樹巷

在老壩口

雞籠巷與戲子巷相次在闌下

井十有四堙者四焉曇花庵前井

池子崖井

廳門

口石井

南火星廟井

觀音寺巷井

福德祠旁井

中鎮府街井

古洪門井

范家井在護國庵之西

娃娃井在火星大王廟門外

觀音樓前井堙

胡

棋杆石井堙

常家井堙

慈雲寺前井堙

其坊碑舊有而今廢者經國坊在工部署東

濟川坊

在工部署西 東南上游坊在工部署前 四運舊儲

坊在戶部署前 地曹分署坊在戶部署北 統理四

廠坊在船政廳南 斯文在茲坊在書院前 按此指乾隆年建運

河南岸之書院 護漕永流坊在普應寺前 鳳翥坊未詳所在

為張尙武立 節孝坊在娘子莊鎮 為張岱母鄭氏 一在永豐鎮 為劉

氏 貞女坊在永豐鎮 為王氏女許字劉湘 全河鎖鑰坊在大橋口

南岸 永慶平成坊在其北 河防鞏固坊在河院署

東北 物阜民康坊在豐濟倉前 此亦指舊豐濟倉 平江澤遠

坊在龍王闌下 平康正直坊在石馬頭北 到此是

岸坊在臧家馬頭 後海坊在平成樓西 古倉北門

坊在倉門口今存者節孝總坊在學宮西偏 節孝坊

在雙當舖街 為孫國柱妻李氏 一在美祿巷口河隄上 為徐一

氏 一在擡花巷南 為龔經氏 一在永豐鎮 為周汝南妻丁氏 一在安

樂巷 為羅景嵩妻丁氏 一在杯渡庵下 為張鳳圖妻楊氏 三在澗橋鎮

一為張兆棟妻王氏一為丁雲 雙節坊在洪福莊東 道

程妻楊氏一為張培妻王氏 一在宋家集 為孫佩妻蔣氏

四年建為監生范克諧妻 一在宋家集 及孫元戎妻劉

程氏及生員范鏗妻胡氏 萬氏四節坊在費家荒 孝子坊在玉帶河隄 為徐大誠

壽婦坊在漁溝鎮 為劉岐山母朱氏 官園坊在觀音寺巷西燬

而移建者淮河保障坊在舊縣治大門外之左今移建

新縣治大門外之左 南國津梁坊在舊縣治大門外

之右今移建新縣治大門外之右新建者安涉橋碑在

兵六堡咸豐五年知縣吳棠建碑略曰余之復葺南清

河也當東南厭兵之際百廢紛如未遑修舉治

首塗雍正六年建石馬頭十有八丈嘉慶中引而長之

厥功未竟輪摧蹄陷行者勞苦又其上游兵六堡池下

道光中疏為小河橫貫而東木柱之梁於是乎建日月

崩地弗堅弗任顧以方隅之未父安歲事之不稔自大

府百執事以迨邑之人謳往嗟來懷而有待釋子廣達

結庵河上憫斯道之崎嶇慨焉奮其願力袒臂大呼手

口俱瘁自道光二十九年凡建石路若干

丈又自元年至四年續建石路若干丈已而改建木柱

之梁以為石橋既礮既銀欄盾翼如工既成乃謁余而

名以命之夫平治險阻繕葺津梁有司守土之

事也故樂著之以告後之君子有所紀循焉

茶亭碑

在汰黃隄咸豐七年河督庚長建

行宮二一在慈雲寺之東偏 一在夏家湖南

龍亭十 御詩亭二在清江關一在南岸康熙二十二年建 賜于成龍一在

北岸三十八年 一在老壩工玉皇閣後乾隆四十四年 二在

馬頭鎮一在順黃壩雍正五年建一在惠 一在楊家莊

濟祠前嘉慶二十五年建均燬 康熙四十二年建

一在關帝廟前乾隆十年 龍亭在米市不知何年 御

椿亭在 御壩康熙三十八年 皇華亭二一在萬柳園 一在臧家馬頭

平成臺在馬頭鎮乾隆十六年 凡樓之屬十有四三門樓乾隆五十年 四門樓在全慶街

三門樓在草市口燬 紀家樓在舊縣治後廢 趙家樓

紀家樓在舊縣治後廢 趙家樓

紀家樓在舊縣治後廢 趙家樓

紀家樓在舊縣治後廢 趙家樓

在草市口東康熙康阜樓在草市口西北嘉慶元張仙

樓在中鎮府東乾隆四十二避風樓在河北久白衣樓

在南地藏庵內舊在磨盤莊太平樓在大橋口南道光

十年重修今燬平成樓在其北舊觀音樓清江浦樓在禹王臺

東雍正七魁星樓在其北岸道光七年文昌樓在王營

鎮康熙十閣有八玉皇閣在城東北五里宋慶歷開建本三台

閣在城東南一里餘道光十四年初建文峯塔後以

來閣在西關門道光二十三義閣在東關帝廟內康熙

年文昌閣一在仁義康熙四年一在湯巷街嘉慶八

曹恆建一在漕督行轅之東同治元年漕督吳棠建元帝閣在仁義

窪明永樂三年建嘉慶二十年修今燬

壇廟舊建而今燬者東嶽廟在清江浦樓西嘉慶九古

關帝廟在大橋口南岸明萬曆三王公祠在大橋口南

岸北向祀船政同知王士正本稅務陳潘二公祠在禹

王臺西北向乾隆二十護國大王廟在仁義窪康熙三

建馮烈女祠在四門樓外乾隆三十倉神祠在倉北門

天啟徐公祠在舊豐濟倉南祀總河李公祠在舊書院

內祀總河北極宮在城西舊禹王廟基乾隆三十七年

宮於此河西大王廟在米市乾隆二十四年重建河神廟在

有碑乾隆二十四年重建

光緒丙子青河縣志 卷三

順黃壩 乾隆四年建 金龍大王廟 嘉慶九年重建 一在鳳陽廠

在順黃壩 康熙三十一年建 一在下馬頭 嘉慶十二年建 一在下壩 明

嘉慶二十五年重建 龍王廟在禦黃壩 嘉慶二十二年建 其舊存者 萬

壽宮在城西半里北抵普應寺 乾隆三十六年建有碑 先農壇在

黎公祠西北 建置無攷其社稷壇未建 厲壇在太史莊大隄下 道光十九年重

城隍廟在雲曇口 乾隆二十六年總河高晉建 縣城

隍廟在水渡口 乾隆三十九年總河薩載建 一在王營

鎮 乾隆志有忠佑行宮當即此乾隆三十一年重建 又有城隍行宮在藥王廟側 一在草灣 嘉

都土地廟在仁義窪 乾隆四十九年高宗南

火星廟在漕督署東 明嘉靖中邑人管洪劉和相繼創

西火星廟在鳳陽廠 嘉慶十一年在祭臺口 道光三年 都

火星廟在清江閘東 洪武年重建 嘉慶 火星廟在漁溝鎮

竈君廟在山清界上 乾隆四十年重建 風湖大王廟

在清江閘下南岸 乾隆二十八年建 道光 風神廟在

清口 康熙五十四年總河高斌重建 南向增大有 御賜額 海

神廟在小河北西北向 順治十四年修有 御賜額 淮瀆廟

在清口 明正德三年建 康熙 三神廟在東清壩西岸

本大王廟 乾隆 龍王廟在運河南岸五孔閘西 乾隆四十九年

宗南巡 御賜匾 一在北岸太史莊 崇禎年 惠濟

額並玉如意一枝

龍王廟在南頭壩嘉慶二十五年建東嶽廟在七里墩順治初移建

禹王宮在清江浦樓之西北向乾隆三十七年總河吳嗣爵建俗謂之元帝山

西關帝廟在漕督署西崇禎十一年建道光十四年重

中祀八年河督庚長重建有碑中關帝廟在小河北東亦崇禎關帝廟

在臧家馬頭順治八年建一新莊鎮天啟五年建嘉一在

漁溝鎮明建嘉慶十年文昌宮在工部前天啟四年建道光

有御一在娘子莊北道光十六年邑藥王廟在西五

牌萬曆十年華祖廟在大橋口河北明建康熙二都天廟

在舊縣治西乾隆八年重建嘉慶十年忠孝祠在學宮內祀周

公父子道光四年建節孝祠在學宮西偏雍正景行祠在先農壇

東嘉慶六年總孝子祠在漁溝鎮祀吳從眾道光六年

子安定重建置祭田五頃八十畝王公祠在海神廟東天啟年建祀都

慶二十一年四公祠在海神廟西雍正七年勅建靳文

年重建二公入祀名三公祠乾隆黎公祠在先農壇東南道光

四年高公入祀名四公祠建祀總河盧將軍祠在河北岸大橋口西祀參將盧順

黎世序建斗姥宮在東門內明建乾隆三年修四十五年勅

道書其說未為典要以南惠濟祠在運口乾隆志云即

河祀典載之故以類附焉莊開口明正德三年建武宗南巡駐蹕祠下嘉靖初章

聖皇太后水殿渡河賜黃香白金額日惠濟雍正五年

勅賜天后聖母碧霞元君南河祀典則云明嘉靖二十七年建國朝康熙中累封天后乾隆十六年改稱

惠濟祠二說不同咸豐志按劉良卿有惠濟祠碑嘉靖二十七年立碑云正德初道士袁洞明卜地河澚建太

山行祠及章聖太后有黃香白金之賜改名惠濟是明

嘉靖中止祀太山之神未嘗祀天后也本朝即其舊

宇崇祀天后遂稱天妃廟乾隆中復改稱惠濟祠纂祀

典者祇見有嘉靖二十七年碑文遂以立碑之日為建

廟之年又不知有始祀太山今祀天后之異通合為一

故致牴牾云爾廟有鐵鼓又名鐵鼓祠邑人汪之藻有

天后碧霞宮在玉帶河北祀天后之神舊為城隍廟乾

廟賦良增建按碧霞元君太山之神一在西五牌天啟二

而俗以天后當之亦為小誤洪濟祠在工部

應祠在戶部前正德六年重建康熙嘉

前宏治年建萬曆中始名洪濟祠有工部主事陳瑛碑

乾隆三十四年重建按府志又有壽濟祠在西河廠

福運祠在東河廠皆工部郎中顧元顯王廟在武家墩

鏡建今廢又有陸丞相祠今亦無存顯王廟在武家墩

祀唐睢陽太守許遠天啟年建雍正九年封威顯靈佑

王乾隆嘉慶間歷奉御賜匾額按府志又有晏公祠

陰澤侯金龍大王廟在清江閣康熙三十八年建神姓

龍山元兵八赴水死明初封一在八面佛原建石馬頭

王建祠國朝崇奉尤盛一在八面佛原建石馬頭

移此一名一在兵四堡原建老壩嘉慶一在小河北西

草大王廟一在擡花巷北嘉靖年重建乾隆一在五孔

洪武年重建乾一在擡花巷北嘉靖年重建乾隆一在五孔

隆年改建一在吳城七堡嘉慶二十一年在楊莊頭壩

開嘉慶二十一年在吳城七堡嘉慶二十一年在楊莊頭壩

原建鹽河口乾隆一在武家墩乾隆八年一在王營減壩

三十六年移此一在馬頭鎮天啟一在西灘鎮嘉靖年

嘉慶十六年御賜匾一在馬頭鎮天啟一在西灘鎮嘉靖年

有御賜匾一在馬頭鎮天啟一在西灘鎮嘉靖年

年重一在惠濟越聞康熙四十九年一在惠濟正聞

崇禎三年建乾一在官莊康熙二十五年重建火土大王廟

隆三十九年修一在官莊康熙二十五年重建火土大王廟

在朱家溝道光米市大王廟在廠前坊天啟年修嘉黃

大王廟在舊禦黃壩西向神姓黃名守才明末人乾隆

三年封嘉慶十五年建廟有

北者司一可系志

御張將軍廟在清口神姓張名襄宿遷人成化中賜額封勇南王乾隆三年建廟九

龍將軍廟在迎水壩嘉慶二十三年建馬明王廟在王營鎮乾隆

五十四年嘉慶二十三年建藥師庵在盧將軍祠之右明建嘉慶二十五年重建燬而重

建者黎公祠在學宮西偏道光三年重建馬王廟在山清

界上河北岸乾隆五十六年重建新建者雙烈祠在大橋

口河南岸祀提督陳振邦及妻吳氏同治七年奉旨建吳公祠在米市大王

廟旁祀漕督吳棠光緒三年奉旨建栗大王廟在吳公祠旁亦光緒三年建

漕督文彬有碑記八蜡廟在栗大王廟旁亦光緒三年建

附寺觀前建而今燬者大佛寺在山東廠建置無攷廣陰

庵在都天廟南道光二十七年建地藏庵在全慶街三元

宮在直隸廠嘉慶五年建一在楊家莊乾隆九年建禪悅社在

仁義窪大街順治十六年存者慈雲寺在城東順治十五年召武康

僧玉琳至京送居萬善殿賜號大覺禪師十七年秋復至京進號能仁國師康熙十四年南游止於慈

雲庵跌坐而逝世宗頒帑勅建於乾隆四年告成是為慈雲寺其後屢蒙賜紫並賜藏經繖蓋

經玉如誕登寺在朱家溝原名洪福寺康熙初改名意籐杖圓通寺在運河北岸山清界上

南巡頌御書額道圓通寺在運河北岸山清界上

光二十三年重建萬曆年建舊名檀度

康熙四十年覺津寺在竈君廟後寺兵備副使宋統殷

有碑康熙二十四棲蘆寺在河南山清界上舊名折

無住禪師者長沙人學問淹貫兼通勘輿相人之術明季舉進士知天下將亂易僧服國初至清江浦有李姓者與之地而居之署曰折蘆閉門戒誦罕與人事一日姚江同知高某來謁大相賞契請為弟子

於是無住禪師名播公卿開康熙四十普應寺在禹

六年聖祖南巡召見賜名棲廬寺本朝嘉

王臺前唐時舊剎明宣德七年陳瑄重建

發藏淨慈寺在碧霞宮後舊在玉帶河南天啓年

年燬於火觀音寺在舊縣治西里許元建明成化年

年併為復法華庵在水渡口明建乾隆古廣慧寺在

興律寺一名都司廟成化年來鶴寺在北極宮西道

山東廠建道光十五年重建潛庵在普應寺

元年曇華庵在普應寺東乾隆四十年重建

南天啓杯渡庵在學宮後正統十四年重建道廣應庵

在徐公祠南天啓二年建嘉慶地藏庵在育嬰堂東

乾隆十一年在太史莊西康熙十一年在太史莊後

二年一在王營鎮康熙福德庵在工部前順治六年

七年既濟庵在小河北東正統八年重建康熙一在漁

溝鎮明建嘉慶鐵樹宮在禹王宮左正統八年敕封靈

光十七年形華宮在仁義窪道光十五年三元宮在小河

北西康熙一在洪濟祠旁一在直隸廠正德三一

在武家墩萬曆一在漁溝鎮萬曆十一年建乾宏法

院在山東廠嘉慶十年建吉祥庵在太史莊明建道光三

福田庵在玉帶河南萬曆五年重建善寶庵在高升

橋乾隆延壽庵在仁義窪萬曆二十年建乾隆一在太史

莊雍正三一年在漁溝鎮康熙十八年建乾隆三十六

奇一在永興鎮明建乾隆四十二年重建洞陽宮在舊豐濟倉後

康熙二年建乾隆四十九年河督李奉翰修嘉慶二十二年重修贊化宮在先農壇

東嘉慶九年呂祖社在雲曇壩東康熙五十五年雲林社在

全慶街道光二十一年文昌社在車路口後街道光九年財

福祠在新縣治西乾隆五十五年三官殿在水渡口順治

嘉慶十三年修三星宮在老二開乾隆三十二年青龍庵在仁義

窪崇禎九年一在中河北岸毘盧庵在浪石鎮康熙三十二年

建準提庵在戶部前崇禎十一年太平庵在戶部前一

在新莊鎮乾隆十六年文會庵在工部前崇禎三年大士庵

在工部前本在文廟前桂花庵在舊豐濟倉前康熙

靈官殿在小河北西康熙聖賢庵在太史莊康熙十六年

觀音庵在太史莊道光一在馬頭鎮康熙二十一年

在浪石鎮乾隆十二年新祥庵在王營鎮康熙二十四年

併於城隍廟真武廟在武家墩嘉慶文華寺在新莊鎮萬

年嘉慶十六年修玉皇宮在西五牌康熙文殊庵在漁溝鎮

明建乾隆十五年重建泰山宮在漁溝鎮乾隆十八年建水月

庵在漁溝鎮道光四年重建按漁橫溝寺在漁溝北

金龍君廟在漁溝東北康熙十七年邑廣福院在漁

溝東灣乾隆十六年邑圓通庵在浪石鎮乾隆二十

報恩院在劉皮鎮明建雍正八年重建如意庵在下壩乾隆二

建 大雄庵在永興鎮 明建乾隆四十二年重建 西來庵在永興鎮

明建乾隆五年重建 玉露庵在永豐壩 乾隆四年建道光燬而

重建者毘盧庵在舊縣治西 同治初建 團圓宮在趙家樓

乾隆五十三年建 濟雲庵在趙家樓東 明萬歷年重建

鄉鎮之舊建而今廢者洪澤舊鎮在治西南五十里 唐皇

甫冉題洪澤館詩底事洪澤壁空留黃絹詞年年淮水

上行客不勝悲宋歐陽修于役志云丁巳次洪澤與劉

春卿黃孝恭相遇始識大理寺丞李愔裕洪澤巡檢顏

懷玉者錢思公在洛時故吏遂與四人夜飲五鼓罷明

日晚入沙河乘月夜行向山陽蘇軾發洪澤驛中途遇

大風復還詩風浪急如此吾行欲安歸挂帆卻西邁此

計未為非洪澤三十里安流去如飛居民見我還勞問

亦依依攜酒就船賣此意厚莫違醒來夜已半岸木聲

向微明日淮陰市白魚能許肥我行無南北適意乃所

祈何勞弄澎湃終夜搖窗扉妻孥莫憂色更典篋中衣

又河防志洪澤鎮有洪澤村康熙中總河張鵬翻命人

刺舟而往還言東西街道舊有千餘戶康熙初尚百餘

家十五年水漲居民散去村東民田二十餘里直抵小

黃莊北至高家嘴約十五里沿途舊有居民又五里至

陳四莊廟亦有民舍環繞西北至泗州楊長嘴可二十

里上有民居數十家今亦水鄉又三里至吳家牌樓登

陸通桃源正西約五十里至峨眉莊西南至泗州施家

塘約五十里正南六十里始抵清河之老山村基存

沙灘一綫高尺五寸長七十丈闊八丈十丈不等按此

即古洪澤鎮地其方位四至想見仿佛附記以存梗概

吳城舊鎮在舊縣西二十里 大河口舊鎮在馬頭鎮

北十里 浪石鎮在王營鎮西北十八里 乾隆志云治

浪石渡新河既理土人利河灘之腴誘漣人防塞之每

遇濇潦田為湖泊順治十六年知縣唐佐臣毅然開濬

邑人陸騰蛟有碑略曰清民之病苦無他職業惟給於

北首... 可系...

卷二

三

儻功取土著人遵依狀水行輒報上曰卑縣已戴罪開
 放矣他日大中丞蔡公庭見問曰漣人以浪石之故出
 其文案若干卷為爾邑難端吾告之曰清人困於水瀕
 死彼令憤為此舉苟無甚利害於漣者若姑置之嗟呼
 大中丞知公心矣公以實心拯清人之溺置一時利害
 不較而浪石之防即開浪石開則水落棲苴民便蒲魚
 旦夕之利也沮洳生菌薦草潰茂田禽走之民之貫利
 在是終歲之利也人厭蝦蟻地熟五穀渴澤之士其化
 膏壤高者宜麥卑者宜稌十世之利也清民之病今而
 後吾知免矣嗟呼公之造清豈小哉清人士德公之賜
 謂數百年之利害自公興剔之用鏡諸石為不朽云
 按此文前言養驛馬事通為一篇今分繫餘見驛傳

娘子莊鎮在王營鎮北十六里 俗傳有鮑三娘梳妝樓金皇統間事 永豐

鎮在治西四十五里 金城舊鎮在治西北六十里

官亭舊鎮在治北少西八十里 一名崇河集 存者王營鎮在

治北五里 邑人楊穆記曰王家營蓋清東壤之衝道濱河而處凡二千餘家五十年間已三遷矣康

熙二十七年秋大水日崩崖數十丈市井房舍殆盡管侯聞之周視原址聚老少而謀東遷問其地乃山陽朱生業也使里正往白之不可縣尉曲諭亦不可乃力請淮揚道胡公公曰招撫流遺有司責也急遷如議侯為捐俸購之民得以復聚不二月屹然一巨鎮矣穆里人也躬邁其事述之以志不朽 漁溝鎮在王

營鎮西少北三十里 澗橋鎮在漁溝東北二十里

劉皮鎮在娘子莊北二十里 永興鎮在澗橋東十五

里 新興鎮 俗謂之小房子 在治北少西七十里 馬頭鎮在

治西少南十八里 老子山鎮在治西南百二十里 按

豐志具言鄉鎮原委盛衰最詳今備紀之曰昔舊志載十五鎮而歎曰鎮之廢也廢於水亦廢於夫謂夫厥之不足往往取給於鎮也今夫不擾鎮而鎮不加昌黃淮災數鎮六塘災數鎮霪霖積潦便民河所不及洩又延及數鎮地瘠民勞聚散無定皆此之繇邇來又百餘年矣河水之潰決湖運之橫衝更大變八九以至今日欲

民生聚烏可得也蓋鎮莫古於洪澤初齊有洪澤澗在淮陰鎮之西或曰隋煬帝至破釜湖而雨易名洪澤舊志鎮在治東南六十里濱淮河古南北大道設洪澤驛及巡檢司明編其地為移風鄉四里為縣腴田有漕疇葱頭高秋堡堡有豫備倉有萬家園陳家廟村鎮田濶洩而黃益奪淮淮急不得下日夜騰蹕北地寢高淮岸隄障漸沒東抵陳公塘北合富陵泥墩南并北萍諸湖為一頃洞數百里焉自洪澤鎮以西南為老子山鎮亦一聚落也去舊治百里與盱眙接壤負山臨湖背高俯下無水患有稻陸網罟魚鹽商販走集自湖鬱隘漲及山下坂田四面環繞獨一路南出魚稻之利耗焉居民裁數百家猶知誦書力作風物清淳有湖山之美去舊治西二十里為吳城舊鎮宋紹興中南北用武之地亦聚落也舊有東西二城今河湖交逼魚鴈為鄉馬頭鎮在舊治東五里近淮陰故城一巨鎮也漕運經繇設馬頭巡檢司與天妃壩新莊開為河東三鎮明末之亂居民鮮少近復鞅集其民多游手空食漕至啟聞挽舟千百邪許媮衣美食以相驩樂漕過無所得食婦子凍餒好苟且目前靡有巨商大賈多與湖舟市梟盜大猾

往往出沒東接甘羅故城抵御路居民咸夷十有餘里大車小輦銅舟木筏相屬龐雜囂踴有淮陰年少之風焉其北十里大河口舊鎮元舊縣治也縣初遷時居民戀土成聚猶數百家後駁散去夫王營亦淮北巨鎮也初康熙九年河決鎮東遷荒落二十七年水大至崩於河知縣管鉅買山陽地再東遷呈許民復聚三十年復水伐近隄官柳以遷民居遷之三月不盡其地北走京師南船北馬頓宿交易多僧坊牙埠民流寓者多尤多西北燕遼蘄晉陝洛齊魯之人羊裘冠千里馳驅謹嘑慨有塵沙廣漠之氣貨則峩舸大舩西通孟鞏大梁輕舟南浮亦有吳粵珍異土著者率為小販屯聚轉輸麥菽無有厚貲重積民亦不貧多以力食或南北使節經過供頓照耀數里不絕小民耳目染習為誇大雖輿臺賤隸能為京師音鳴鳴執手問生平相取下人莫能測也舊營地與清江浦分河後河北徙山陽來爭地今并為一家爭乃熄其西三數里減水下游荒鹵道光初北監改行頓於此謂之西壩民間設立場棧閭閻相接日以繁浩其客多輦金腰玉豪貴閒游初至有倍稱之息南北爭趨息乃小減然風已為之變易有彈箏跼履日夜誼樂河聲上下屯集之區畝值至數

萬錢土人亦用是饒業然不能久也過王營以西北為浪石鎮舊浪石渡水道通海口為境尾間田多水泊不可耕往數十年河屢決沙墊地遂高亢而鎮久廢過浪石西北十餘里為漁溝鎮亦一大聚也昔宋耿世安以三百騎迎北兵於此其地始見於史明萬曆中分黃議起河行漁溝浪石或曰縣嘗治於此自明中葉多舊家遺俗門業相尚民閉自為書院子弟興學人物如林縣治既移驛路所經過商販趨集益饒裕其後河流填淤鎮乃轉貧俗亦有閒矣要其西北諸鎮猶為冠冕焉濶橋鎮在漁溝東少北二十里亦一聚也有湯家礪河舊引漣流二水通南北舟楫民利其濟歷久堙塞其地軍民雜處軍常居十七民戶益彫劫故鎮幾歸於屯軍其東南為娘子莊舊鎮鎮以水廢濶橋之北為劉皮新鎮北界安東風少勁其東十餘里為永興鎮亦一大聚也多舊姓聚居有果園竹木之饒自王營河屢決娘子莊下游廢圯而永興地差遠新淤膏沃農商競業繁盛甲乙漁溝近一二十年少替矣盛衰之勢要之比鎮皆然不獨此也初唐所置金城縣不久廢明洪武中置驛謂之金城驛又有小金城鋪其地距新舊治皆六七十里名為鎮實村落碁布地趨下黃苑紫蘆相望道光中桃

源河盜鎮乃壙沙為高阜然瘡痍既久生聚猶寥落而其北為新興鎮在舊官亭鎮東南康熙初黃家嘴河決官亭居民不忍遠徙而遷於此也南通包家衝東帶六塘舊鹽私出沒居人數百家農而武有海流之風又十餘里為官亭舊鎮亦曰崇河集明初都金陵鎮為山東驛傳中道設爬泥蕩鋪建官亭故曰官亭有漁蒲菱芡饒利倉儲社學鋪遞一巨鎮也自河決蕩析黃白之籍遷著東南新灘而先是桃源人思東啟至通賄賂改郡志以伸其一旦之說康熙七年割正歸於清河其鎮之舊基則廢棄久而與金城洪澤吳城大河口同甌脫無有存者其盛者惟王營馬頭稱稠集漁溝永興濶橋抑猶介盛衰之間云

鎮之別為集舊有張家集即永興鎮新灘集即新與鎮三柯樹集

在漁溝西南 蔣家集在永豐鎮鎮本名永豐集今集鎮俱廢 宋家

集在其北 今有大興莊集在娘子莊東北 湯家集

在金城鎮 徐家濶集在湯家集東 朱家集在王營

東北 丁家集在王營西北 五里莊集在丁家集西

北 袁家集在丁家集西南 又有陳家集 小橋集

趙家集 順河集皆在洪澤湖新灘

清江浦南圩在運河南岸玉帶河北 西自二公祠池東

至雲臺壩隄根止長一北圩在運河北岸汰黃隄 西自

千三百十三丈一尺祠池西裡運河隄根起東至臧家馬頭東首運河隄根

止長一千四百四十七丈三尺並咸豐十一年知縣萬

青選築先是咸豐十年捻逆東竄浦垣焚掠一空青選

招集流亡創立圩砦同治元年二月賊復來犯我軍憑

圩固守卒獲其利四鄉先後築圩皆王家營圩在王營

得安堵今故以類次於鄉鎮之後鎮 朱家集圩在王營東北 大興莊圩丁家集圩沈

家圩王家圩在娘子莊鎮 張家集圩鄭家圩孫本莊

圩在永興鎮 劉皮圩在劉皮鎮 濶橋圩五里莊圩

石家圩丁家舖坊圩在濶橋鎮 袁家集圩在浪石鎮

徐家東溜圩潘家圩仁和圩杜家圩在新興鎮 湯

家集圩曹家圩楊家蕩圩沈家圩王家圩在金城鎮

王家圩蔣家大莊圩吳家大莊圩劉家小圩在永豐鎮

三柯樹圩王家圩在三柯樹 漁溝圩在漁溝鎮

馬頭圩在馬頭鎮 王家圩在 御壩 陳家集圩陳

家西圩南王家圩在湖灘 以上並咸豐十一年及六塘

河長圩在六塘河南岸 同治六年冬漕督張之萬命淮

安府章儀林築以防山東逸賊通海流境凡長二百里在清河者上自風上

城下盡安東界長二十三里有奇詳見雜記

舊橋之圯廢者乾隆志載平康橋在治西以下凡言治皆準乾隆初

舊縣治而言登瀛橋在治東 西門橋在治西 湯家礮橋

在治北五十里 沙埠橋在治東南六十里按舊縣治東南無六

十里疑 瓦子灘橋在治東三十里按明史河渠志自桃源至瓦子灘凡九十

有誤里窪下不耕蓋舊河 霍山橋在治南九十里 石人溝

橋在治西十里 爬泥蕩橋在治北七十里 棠梨溝

橋在治北十里 搭連溝橋在娘子莊南 凌家橋在

治西北十五里 夏家橋在治東北二十里 七孔橋

在汪家窪今丁家集北 三孔橋在浪石鎮北 一在屠家窪

以上三橋在驛路內 一在馬麻橋今雙金關北 一在香稻莊 一在王

家莊以上三橋在便民河俱乾隆八年建 又山陽志魯家橋在淨慈寺南

范公橋在范公河上 莊家橋在常盈倉西 廣蔭

橋在廣蔭庵前 福田橋在福田庵前 仁義橋在老

壩口 金鎖橋在月河口東 月河橋在開口西北舊

存者七孔橋在包家河漁溝西北五里乾隆八年建同治十年修 三孔橋在

漁溝太山宮同治十年修 一在漁溝火星廟同治十年修 中河浮

橋二在王營東西壩咸豐志增者朱公橋在城東門外

工部朱公建 紅橋二在都司署前 太平橋在南火星廟南

史家橋在其西 碧雲橋在碧霞宮後 大橋口浮

橋在城北門康熙中王士正為船政同知設船橋以收驗船稅後船稅歸入淮關而橋遂廢道光

二十四年外南同知王國佐以火患設立南北兩岸水龍局恐倉猝奔救為河間阻因設橋船五隻環以鐵索護以木欄設効目二名橋夫八名復興橋在四門樓南上食由河庫發給立碑王公祠前

高昇橋在護城河北岸新建者安涉橋在兵六堡咸豐五年建有碑見前凌家道口橋在漁溝北道光二十七年建三

孔磚橋在浪石西南道光十五年邑人蔣治禮建

乾隆志有縣前渡 大河口渡 腰鋪渡 吳城渡

駱家營渡 王家營渡 楊家莊渡以上皆大河渡龍王廟渡

未詳天妃廟渡 運口渡 馬頭渡以上皆清水渡夏家湖口渡

廢張家河渡廢王營東西壩渡鹽河渡許家渡中河渡雙閣

渡中河渡六塘南股河渡即潘家渡今存自河勢遷改津渡移易

咸豐志所存者王營渡設官馬船五救生船四官報船

三外北廳馬船六楊家莊渡設官船五此外上游則有

仲工渡周工渡歐家渡下游有減壩渡毛家嘴渡周莊

渡所設民船無慮百數十咸豐三年以粵賊竄擾江北

朝議防河皆弁於楊莊王營以重險阨察非常 運

河渡設馬船六大橋口二清江浦樓二運口風神廟馬

船一 鹽河西壩馬船二東壩小馬船二民造六塘河吳

家義渡馬船一民造

光緒丙子清河縣志卷四

川瀆上

黃河

淮河

運道

河淮皆天下之強水所過郡邑無慮百數十淮獨更數
 千年無所變易而河自漢以來橫流旁趨蕩滴千載卒
 奪淮灌泗挾以東走清河實為合并交錯之地其遠在
 他境例不得而詳焉初漢元光閒決瓠子注鉅野河患
 始被淮泗宋太宗真宗之世河決滑鄆而東南入淮者
 三熙甯分流始有南清河北清河之別南渡紹熙中當
 金明昌五年河益奪淮北流斷絕然其時故未立清河
 縣咸淳九年而縣立立後三年地入於元後四十餘年

至泰定初河決縣城圯清河始被河患也明初河決多在開封原武陽武滎澤歸德曹州或從鎮陽入淮正統以後往往東出沙灣壞運道或南流項城而徐州以東南常膠淺不得飽水正統之二年淮水泛溢漂沒田廬清河淮患始見宏治初河大決金隆口入張秋別南合潁渦入淮白昂治之益隄其東北而引河由沐睢入泗達淮張秋之患未息八年乃命劉大夏築斷黃陵岡及金隆口於是河勢盡趨東南畢注於大清河以奪淮淮黃並盛至於今三百五十餘年河或他遷徙不久而復遂為正軌矣正德嘉靖閒河分合靡常大都南出則

貫亳壽北出則泛魚單其東南縱橫於徐沛睢宿之間

率皆注於淮而清口以下乃未聞有河患初永樂十三

年平江伯陳瑄修治運河故老言城西管家湖與徐家湖相連

在清江浦西北至鴨陳口今未詳僅二十里與清河口

相值宜鑿為渠引湖入淮以便漕運按是時引湖水北入淮非淮南入運

也瑄乃鑿清江浦引水入鴨陳口達淮築隄引舟其入

淮之處設河口壩新莊閘以時啟閉自新莊閘而東因

其高卑遞為福興清江移風等閘移風閘在版閘之上或云即版閘非也

至府南淮陰驛而合於瀆河瀆河即清江浦之名始見今運河

嘉靖十三年都御史朱裳言清江浦口當黃淮會合之

衝二河水漲漫入河口淤塞運道宜濬深廣築隄壩十
 五年都御史周金言自嘉靖六年後河流益南并入清
 河而交滙於新莊閘遂灌裡河水退沙存日就淤塞昔
 為徐沛患者今移淮安請於新莊更置一渠立閘以資
 宣洩是時言河患者始兼及運道矣二十年河東決大
 清口南竭四十里按此時黃河過清江浦轉而向南故云南竭也三十年督漕
 都御史應楨言黃河下流漲塞壅而漸高瀉入清河口
 此清河口謂淮水入黃之口泥沙停淤屢濬屢塞欲使黃水不入清
 河口必當疏鑿支河為工太鉅惟三里溝在馬頭東南三里故名
 當淮河下流黃河未合之上若閉清河口開三里溝至

通濟橋使船由此出淮達黃道近費少從之是年黃淮
 二水衝開草灣河草灣河者在清河縣東北先是黃會
 淮後由清江浦遶鉢池山後至西橋埽灣徑淮安新城
 北門由柳浦灣過安東縣前至雲梯關入海至是決草
 灣獨流四十里仍會大河於是輔臣以徐邳被水請濬
 黃河下流都御史曾鈞上言劉伶臺以下宜濬草灣老
 黃河口宜築老黃河之名見矣鈞又言曰三里溝新河
 口即應楨所開視舊口即新莊閘水高六尺開舊口有沙淤之
 患而為害稍輕開新口有淹沒之虞而漕舟頗便宜暫
 閉新口建置閘座增築高家堰石砌新莊諸閘以遏橫

流帝悉從其奏而其後隆慶三年河淮大上自清河至通濟倉閘及淮安城西淤三十餘里水決方信二壩方信

亦作方新見出海明年淮水復溢自泰山廟至七里溝河防一覽

在縣東七淤十餘里而水從諸家溝旁出按諸家溝亦

里故名舊治南與今清江在舊治至河南鎮按是

浦之朱家溝為二患見河渠志而行水金鑑不載恐即上年事也俟考都御史翁大立請開新莊閘

復陳瑄故道則淮可無虞且規復漁溝分河下草灣以

免衝激之患即所謂老黃河者也其後四年當萬曆元

年遂開草灣導河自安東縣後至金城五港入海然泛

濫如故明年七月大風拔木河淮並溢三年河決崔鎮

而北淮決高家堰而東淮黃南北漂没千里清桃河道

淤塞漕艘梗阻者數年明年督漕侍郎吳桂芳復申草

灣老黃河之議帝優詔答之桂芳復言曰雲梯關口近

年多壅河流日淺惟草灣地低下黃河屢衝欲奪安東

縣迤邐而去以縣治所關屢決屢塞溢且日甚語云救

一路哭不當計一家哭安東其勢垂陷不如委之以拯

全淮帝不欲棄安東而復命開草灣如其請八月草灣

工成長萬一千餘丈未幾河復決上流而給事中劉鉉

疏議河漕語侵桂芳大約謂草灣既開河復大漲漕臣

言不驗桂芳申理以為天妃閘以南屬漕臣閘以北屬

河臣各有分地臣謂草灣可以疏洩淮安之水非謂制水之命使上游不復漲也帝詔視事如初其後河復決曹豐沛閒議者仍歸咎下游於是御史陳世寶言曰河自桃源三義鎮歷清河縣北至大河口會淮入海運道自淮安天妃廟亂淮而下十里至大河口從三義鎮出口溯桃源大河而去行地七十餘里是為老黃河嘉靖初三義鎮口淤而黃河改趨清河縣南與淮會自此運道不由大河口而徑小清河以北上近者崔鎮屢決河勢漸趨故道若仍開三義鎮口引河入清河縣北令出大河口與淮流合或從清河西別開一河引淮出河上

游此言南岸則運道無恐而淮泗之水不為黃流所漲部議

允行桂芳言去秋正河淤澱淮泗梗塞淮弱河強不能並趨入海而全淮南徙橫灌山陽高寶閒宜急護隄以殺水勢部議令桂芳熟計於是開河護隄二說未知所

定而河又決崔鎮矣萬曆五年八月事時清桃兩岸多壞總河

傅希摯欲塞決口桂芳欲衝刷成河為老黃河入海之路帝意不欲令急塞決俟水勢定乃從桂芳議而給事中湯聘尹議導淮入江以避黃桂芳曰老黃河開淮水乘虛躡出清口淮揚之水可消乃寢聘尹議南河工部郎中施天麟言淮泗之水不下清口而下山陽注黃浦

淫漲高寶閒湖隄盡沒則以淮泗本不入湖

此湖謂高寶而

今入湖故也淮泗之入湖者以清口向未淤塞而今淤

塞故也清口之淤塞以黃河日高淮不得不讓河而南

徙也淮水并力敵黃勝負或相半自高家堰廢壞而清

口內通濟開

即新莊開嘉靖中少移於南改名通濟開

朱家口淮水內灌黃

以全力制其敵此清口所以獨淤於今歲也下流既淤

上流不得不決每歲糧艘以四五月盡運隄以六七月

壞水發之時不能為力水落方圖堵塞而運又至僅完

隄工於河身無與來年益高上流之決必及於徐呂下

流之涸將不止於清桃謂宜不惜一年糧運發帑數萬

開挑正河寬限責成一勞永逸築塞高家堰朱家等口

使淮并力足以敵黃則故道可復大患可滅其言甚切

中朝廷猶命桂芳兼理河漕而裁總河都御史官桂芳

旋卒以潘季馴代時萬曆六年也當是時給事中李涑

請濬海口王道成請築崔鎮而開復老黃河並下河臣

議季馴言海口非人力可濬惟當繕治隄防俾無旁決

則水由地中沙隨水去頻年以來日以繕隄為事顧卑

薄迫近難以浮沙不能久上流旁潰又岐下流而分之

其趨雲梯正海口者譬猶强弩之末安能導積沙以注

海故今日急務必先塞決以導河尤當固隄以杜決隄

固口塞則黃不旁洩衝槽力專高家堰築朱家口塞則
淮不旁洩而會黃力專淮黃既合自有控海之勢暫塞
清江浦河嚴司啟閉防其內奔姑置草灣河專復雲梯
以還故道使黃淮力全涓滴悉趨於海積沙自去淤墊
自通又言自陳瑄隄管家諸湖通淮爲運道慮淮東侵
故築高家堰以捍之起武家墩經大小澗至富陵湖而
淮不東潰矣慮黃南侵故隄新城北以捍之起清江浦
沿鉢池山柳浦灣池東而黃不南溢矣其後隄岸漸傾
水從高堰決入一郡遂同魚鼈當事者未攷其故謂海
口壅閉亟穿支渠草灣一開西橋以上正河淤阻計新

河闊二十餘丈深丈許較故道三十之一豈能受全河
之水下流既壅上流自潰崔鎮諸口所由決也新河復
塞故河漸通兩河全下沙隨水刷非惟不必別鑿他所
卽草灣亦可勿濬於是條上六議曰塞決曰築隄曰復

開壩

改建通濟開於甘羅城南
改建福興開於壽州廠

曰創滾水壩

滾壩凡三
在清河境

者曰安娘
城滾壩

曰止濬海口曰寢開老黃河七年十月兩河

工成高堰初築清口方暢流連數年河道無患十年七
月清河河漲壞民田舍傷人畜十四年決天妃壩福興
漸淤初李馴之治河也厚築隄岸束水歸槽嗣後水發
河臣輒加隄而河身日益高十六年給事中王士性復

議老黃河故道大略言黃強而淮益縮一啟天如通濟諸閘灌運如建瓴紛紛之議隄泗州登高堰築滾壩不如復河故道一勞永逸之計也河故道由三義鎮達葉家衝與淮合在清河縣北別有濟運河在縣南蓋支河耳河強奪支河趨縣南而自棄北流之道然河形故在自桃源至瓦子灘九十里窪下不耕無室廬墳墓雖開河費巨故道一復利將無窮議猶未定事行勘河都給事中常居敬漕撫侍郎舒應龍時帝以廷臣言復設總理河臣起用季馴居敬等勘言老黃河難復惟清河縣東數里訾家營正迎淮口若開支河經黑墩湖掠羅家口以接草灣道近功倍乞下季馴季馴難之而是年八月河從鮑家營漫流二百丈經浪石娘子莊澗橋至古寨下璉河抵幘頭關以東北入海鮑家營者在王營之上訾營之下季馴以爲可以分殺暴漲與減水壩等於老黃河訾營支河議皆罷明年草灣河忽通奪正河十之七至赤晏廟仍歸大河清江浦外居民恃以爲安其後反成正河而大河正流漸堙十九年五月恆雨六月七月暴風河淮泛漲山清等州縣平地丈餘於是季馴病甚二十年卒放季馴歸季馴將去條上辨惑六事亦會水勢橫潰徐泗淮揚閒無歲不受患泗陵數被水季

馴謂當自消已而不驗於是季馴言誦而分黃導淮之議由此起矣季馴之未去也帝命給事中張貞觀勘泗州水患至是貞觀言祖陵被水狀且洩淮不如殺黃而殺黃於淮流之既合不若殺於未合至於廣入海之途則自鮑家口王家營至漁溝金城左右地勢頗下皆可因勢利導又言分黃河之流須於清水上流十里地去口不遠不致爲運道梗分於上復合於下則衝海之力專合於草灣之下則不復衝正河爲淮城患塞鮑家口王家營一決則不致散溢無歸其說與季馴相出入帝悉從其請乃議於清口上流北岸開腰鋪支河達於草

灣大要祖述訾家營之策而小變其說旣而淮水自決張福隄泗州水退亦會倭警遂寢二十二年黃水大漲清口沙墊淮水隘不能下或請從清河南岸別開小河

至馬廠等地出會大河建閘啟閉一遇運淺卽行此河

按馬廠坡在桃源境與清河交界潘季馴於此築斜隄以免黃水奪淮者卽其地也或請開老子

山引淮入江折張福隄而隄清口使河水無南向按河防一

覽前此淮水從王簡張福二口洩入黃河致分淮水之力而清口淤淺黃水泛漲亦時倒灌故築隄捍之淮無所出黃無所入而清口之力專矣今詔下所司議巡按拆此隄而隄清口亦反季馴所爲也

牛應元上疏言黃淮交滙本自清河北二十里駱家營折而東至河口會淮陳瑄以其迂曲從駱家營開一支

河爲見今河道而老黃河淤矣

按老黃河之廢陳世寶言在嘉靖初此言由於

陳瑄則在永樂中王士性以爲自棄北流之道此言因開支河而淤止此一事當時已無定論故備載之又由言因武宗南巡便於行舟改慶厯閒復開草灣支河黃

由小清口者說益不經矣舍故道而趨交會之地淮不勝黃則竄入各開口水退

沙停謂之門限沙當時既築高堰復塞張福遂倒流爲

泗陵患淤沙不闢張福隄不裁卽腰鋪工成淮未能出

也工部侍郎沈孝思言老黃河至葉家衝八千餘丈宜

開濬爲二一從故道抵顏家河入海

顏家河仍歸正河未遽入海也孝思

特略言之一從清口會淮患當自弭請遣風力科臣一人與

河漕諸臣定畫一之計乃命理科給事中張企程往諸

河臣譴責有差於是御史高舉請疏周橋裁張福隄濬

芒稻河以廣淮水入江之途改灌口以爲黃水歸海之

路工部主事樊兆程亦言當濬鮑家營至五港口從灌

口入海俱下工部時總河尙書楊一魁被論乞罷因力

言清口宜濬故道宜復高堰不必修石隄不必砌減水

閘壩不必用御史夏之臣則言海口沙不可闢草灣不

必濬腰鋪新河不必開惟急開高堰救祖陵給事中黃

運泰又言黃河下流未洩遽開高堰泄流南下河必乘

之不如濬五港口詔並下企程勘議企程乃言曰今議

疏淮導黃言人人殊而謂高堰當決者臣以爲屏翰淮

揚殆不可決莫若於其南五十里開周橋一由芒稻河注之江一由子嬰溝達之海則淮之上流洩矣於其北五十里開武家墩注永濟河即今之運料河以達涇河射陽則淮之下游洩矣會祖陵水退帝悅益令諸臣協議企程一魁乃共立議分殺黃流以縱淮別疏海口以導黃而督漕尙書褚鈇以歲祲民不堪役欲先洩淮後分黃牛應元意重分黃御史陳燧同應元而知淮安府馬化龍進分黃五難之說鈇據以上聞給事林春熙駁之於是工部奏言先議開腰鋪不果貽患至今今分黃復阻淮壅爲害誰職其咎亟令興舉報可二十四年八月一魁

乃大舉役夫二十萬人十月分黃導淮工成開新河起

黃家嘴

在老黃河下游當腰鋪之上五里舊縣上十五里

徑周伏莊至安東陳

谿岔廟嵇朝口下五港注灌口長三百餘里分洩黃水關清口沙七里建武家墩迤南三石閘洩淮入海支流被於江而水患亦平淮揚小安然其後不久輒淤淺而正河深闊如常鴻臚卿張朝瑞以爲言一魁疏辨且言臣原議舊河淺則繇新河新河淺則繇舊河兩河俱存奚礙於運其言依違不酬當是時一魁盡反季馴所爲而上流黃堙口蒙牆寺相繼決卒以水衝泗陵斥爲民三十五年清河淮黃交溢天啟元年裡河決王公祠磨

盤莊謝家墩鳳陽直隸二廠外河決龍王廟徐家路高

堰決武家墩他小口甚眾滙成巨浸舟行街市久之乃

塞云咸豐志曰舊志載分黃導淮事甚略子攷明史及他說本其始終之故大都季馴主於合黃淮之力

以收交劑之效一魁主於分黃淮之怒以救一旦之急

皆著效當年及其久而均敝何也分者有暫紓而合者

有驟險暫紓者履隱弊而不察驟險者睠遠功而莫待

故相持卒以不勝泊乎遠功未奏而驟患方擾譬若理

絲忽亂其緒引刀而斷之豈不一快所傷實多夫以古

治論之則隄障不如疏濬之理全以目事徵之則蓄束

不如分減之勢安也然而正德嘉靖之間河行宋毫潁

壽分爲三四離爲十數豈以是爲順水之性哉清口交

滙理窮勢極分之不可故合流以激其滯合之易溢故

隄埽以堅其守守其常而虞其變故開壩以神其機權


衡操縱回環平準閒不容髮若夫密法敝於疏守則巧

器誤於拙工史臣所謂季馴既去河臣輒加隄而河身

益高師其法而亡其意則和緩之製劑可以殺人故非

良方之咎矣採具大略並著盈廷異同之致以爲後之

朗照焉



光緒丙子清河縣志卷五

川瀆中

黃河

淮河

運道

中河

順治元年河復故道自明季盜決大梁河勢縱漫益高
 十餘年中上流考城蘭陽封邱相繼潰決下流淤墊河
 始病矣十五年冬十月大雷雨清河河淮交漲水及治
 南康熙元年部司有開周橋者按刑部主事孫獲孫奏
 開周橋乃南河分司吳
焯淮水大洩黃河逆入清口清口受其病其後河決多
 在開封歸德四年以後決安東桃源至於七年四月初
 決桃源之黃家嘴清河北境當其下游衝官亭諸鎮而
 三汉口以下正河水不沒胥涉者褰裳漕艘不渡六月

水從土神廟入縣治治內水深二尺自天啟元年水決

入治五十年中再見按是年四月既決黃家嘴正河淺阻不當復決下游土神廟入縣治

思之不得其尋決三義壩注漁溝明年決三汉口九年

五月水復入治王家營五堡二堡文華寺先後皆決百

里為墟高堰石工多圯或曰方決時眾見大火如毬旋

轉隄上少頃雨雹人畜號聲震野是年總河多羅增築

汰黃隄明年復決五堡總河王光裕言自安東茆良口

塞河身益淤灌清口淤裴家場天妃開口船阻不能進

乃於腰鋪支河之連張福口者別疏通舟由周家閘行

刑科彭之鳳疏言其害張福口者淮水支津明臣潘季

馴築之以專清口之力而高舉牛應元所欲開者也十

二年決王家營又自新河此新河未詳所在按乾隆志以萬曆二十四年分黃之水

為新河郭家口決而北十四年六月河水復入治明年決

張家莊王家營運河決山東厥而其年黃水大灌洪澤

高堰決口三十有四黃淮驚而東自康熙紀元之歲歲

在壬寅淮南洩河踵躡入湖湖淮隘不下而河益飽無

歲不決清河決至於十數河運皆困 皇上震怒罷光

裕十六年三月 皇帝敕諭兵部尙書兼都察院右副

都御史靳輔總督河道提督軍務節制三省便宜舉行

不從中制母或因循處置乖方有負委託輔受 命濬

運河疏清口而是年七月河復決楊家莊輔不卽塞輔乃上言治河當審全局運道之阻塞由河之變遷河之變遷由向來治河多盡力於漕艘經行之地其他決口以無關運道遂緩視之決口既多勢分沙停堵東必決西堵南必決北康熙六七年間黃淮並漲黃漲而王家營二鋪口等處衝潰矣淮漲而古溝翟壩等處衝潰矣河水由決口四漫者多由雲梯關入海者少淮水由高寶諸湖下七州縣者多赴清口會黃者少河淮不并雲梯關淤清江浦清口並淤至十五年閒濰湖諸水復合淮水并力東激衝高良澗版工大小二十六高堰石工

七全湖東注黃水乘高四潰衝于家岡灌爛泥淺各舊口又浸淫四漫矣向者河面在清江浦石工下今石與地平河身舊深二三四丈今深者八九尺淺二三尺黃運並淤湖且成陸不卽此時大爲修治三面壅遏黃無去路衝突內潰河南山東將有淪胥之憂臣反復籌酌條爲八疏文多不載於是自清江浦至雲梯海口河身兩旁各疏引河衝合爲一所挑之土用以築隄凡九萬五千四百丈

按清河境內自龍王廟起至四鋪溝止長四千九百三十八丈又自桃源東界起至

石人溝止纒隄一千八百六十丈派本邑民夫三百名修防下流既疏遂塞清安等

縣決口九建王營張莊減水壩十挑爛泥淺引河五塞

武家墩高堰大決口十六諸口盡塞時十七年十一月

也是年罷河工分司初設河兵八營罷隄淺夫十九年

移運口於爛泥淺之七里墩建惠濟閘

靳輔改運口疏云自清口向東

南七里是為七里墩有石閘名七里閘閘內有淤高河形乃明季所挑新河閘外即洪湖灘地皆成平陸自清口進河向東北行二里是為新莊閘即天妃閘乃漕運咽喉又東行一里許為文華寺即明季所挑之新河盡處今將清口永遠閉斷從文華寺淤高之河迤南挑七里直至七里閘以七里閘為運口折而西南又挑七入里至武家墩再折而西北又挑三里許達爛泥淺引河凡運艘北上由文華寺出七里閘達武家墩入爛泥淺引河之上游下達清口轉入黃河如此則運口與淮黃交會之處相隔十有餘里河身曲折永無倒灌之患矣又按河防述言漕船過清江浦必由新莊閘出太平閘而新莊閘之南另疏一渠由七里閘亦可出太平閘大抵由新莊閘者居多其設七里閘者以備新莊閘之敵陳潢親佐靳公所言如此則新莊七里二閘未嘗不

並用至二十年輔乃并力塞築楊莊決口河工告成輔

之治水大要師季馴遺意其最要者均劑黃淮使勢均力敵輔以為黃偏強則躡淮內灌之患立至淮偏強則

遏黃上游停沙立見於是建高堰減水壩以洩淮又於

徐睢山麓鑿天然閘壩遇黃獨漲減歸洪澤去河既遠

沙激水駛並作淮勢以敵黃流二瀆適均遏躡並絕其

論至精人以為季馴有所不逮焉會宿遷河再決

徐家灣蕭

家布政使崔維雅言輔所建減水壩無功當毀 上召

見輔問狀輔叩頭謝因言臣受事之初河道敝極凡所

疏塞皆至緊至要宿遷歲久民工冀可措吾及諸口全

塞河勢驟猛以致漲決皆臣智識卑短不早見事先之

罪 上意解令輔卒功二十二年河歸故道是年增河

營兵明年十月 皇帝南巡輔迎謁 駕幸清口 步

行閱視周十餘里泥濘沒膝十一月 上回鑿幸王公

隄老壩口天妃閘武家墩 垂詢再四 親灑宸翰以

賜二十四年建雙金門閘於縣治之西 靳輔疏云洪澤

引上流分黃之水一時不能灌滿仍難免黃流倒灌今

再於清河縣西建雙金門大閘一座並於閘下挑引河

一萬餘丈如遇黃河十分異漲立啟此閘分洩歸海則

淮黃會合之處又可減黃水一二尺有裨運道按此則

雙金門本為洩黃之用至改北運口於楊莊遂改

建此閘專洩中河之水乾隆志作三十四年誤

六年開中河自仲莊至於宿遷 靳輔疏云臣先所請於

清河縣西仲莊初建雙

金門閘以洩異漲今宜改為三丈深之單金門大閘又

於攔馬河西加挑運河二千餘丈直接張莊運口再於

遙縷二隄之中加挑中河一道上接運口下歷桃源清

河山陽安東以達於海俾糧艘既出清口於黃河內止

行數里即由仲家莊閘內進入中河歷攔馬河直進張

莊運口此閘既洩黃漲又能使各船避黃河之險溜行

而各工運料亦可不至稽誤矣 是年輔罷任二十七年

中河決三十一年輔復任建大墩於運口十一月輔卒

竟輔之身兩河無患者十年三十三年修仲莊閘改名

廣濟明年建康濟 在陶 永濟閘 據乾隆志在太山墩北

間通濟閘故地又康熙四十五年修 三十五年黃淮交

漲高堰六壩圮運口為陸是年增築隄工 甘羅城下家

天妃壩石工一老壩口大小車路口戲隄各一王公隄

石工一南河嘴攔黃大壩一甘羅城西草壩一石人溝

樓隄一萬家 三十七年建東水壩於風神廟前明年春
營遙隄一

皇帝南巡迺三月初吉 駕幸高堰越三日 巡視

黃河四月二十七日 皇上乘船出清口 輿蹕所至

指示機宜於是 諭建清口挑水壩 今謂之御壩 開王營

陶莊引河 按陶莊在舊縣之東清口對岸坐灣之處

與淮同流以入於海又於南岸 親標 諸臣秉 睿謨

無或不恪先是黃運兩河歲撥州縣民夫清河計撥夫

七百一名協助河兵至是以河臣于成龍言裁免而改

徵折夫銀三千五百兩詳見民賦中 于成龍疏略曰臣

以歲夫苦累見告臣聞歲夫一名終歲費銀二十兩多 往來河上民間或

老弱充數或畏逃竄有夫之累無夫之實不加變通其

患無已臣等議將歲夫裁免每名歲徵銀五兩編入正

額歲夫既裁增設戰守兵二千三十名即以夫銀充餉

又海州山陽官蕩柴葦歲得一百十八萬督兵開採調

撥浚船分送各工於河工民生均有裨益部覆 報可

是年黃淮交漲高堰決以十數部臣范承勳王鴻緒等

九人修之三年乃畢修龍汪開開新中河 于成龍奏請

改爲南岸別築北隄挑 以中河北岸

河建開謂之新中河 三十九年通新舊中河爲一從

河臣張鵬翮請也 鵬翮以新河淺狹難於容納改於 四

十年初修王營減水壩移惠濟閘於頭草壩初靳輔沒
董安國以誤工被議于成龍繼之而徐廷璽副二臣不
和議論參差黃淮錯行經年及鵬翮受事 天子方蘊
神謨挺 天斷而鵬翮一遵 成算塞六壩疏清口

河迺復治四十二年 皇帝南巡 閱視河工曰陶莊

河 皇帝親臨 諭使引濬清口乃通曰減水壩 皇

帝申諭不可迎濬防奪河洪曰鮑家營 皇帝指授開

濬引河清江以安曰中河口 皇帝有命移建楊莊順

於建瓴既畢 皇帝乃製河臣箴舟中 御書賜臣鵬

翻其辭曰自古水患惟河為大治之有方民乃無害禹

疏而九平成攸賴降及漢唐決復未艾漸徙而南宋元

滋溢今河昔河議不可一昔止河防今兼漕法既弭其

患復資其力矧此一方耕鑿失職澤國波臣痼瘵已極

肩茲鉅任曷容怠佚母俾金隄潰於蟻穴母使田廬淪

為蛟窟母徒糜國帑而勢難終日母虛動畚築而功鮮

覈實務圖先事盡利導策莫悔後時飭補苴術勿即私

而背公勿辭勞而就逸惟潔清而自持兼集思而廣益

則患無不除績可光冊示我河臣敬哉以勛是年七引

河成 河防志頃年六壩洞開全淮東注清口為陸非多

為引河以導之則不出大司馬張公獨棹小舟溯

三港穿柳林直造洪湖中流歷審形勢知淮水舊在湖

西其為六壩牽引而東者非經瀆也淮湖舊有張福王

簡二河潘季馴慮其分流而力薄為隄塞之今清口淤

墊入湖幾三十里惟茲二港深賈船之沿淮者奏焉

而其首適與張福口接於此開引河淮必出議上 報

可乃量工命日不閱月河成凡一千三百三十五丈時

張福池南裴家場又開引河既成公慮其分而力減乃

會張福河於裴家場而其流益暢池南又有爛泥淺引

河屢浚未就公至搖其淤而深之武家墩之北舊有三

汊河自淮流久斷一綫僅存公督兵役浚而通之於是

七

有四引河矣皆匯於清口驚流盪滌闊三十餘丈公猶謂不足發其勢也時唐堧六壩既塞乃亟走壩上度其尺寸六壩共得二百八十八丈公曰以三十餘丈之口洩二百八十八丈初回之水宜其不盡出也乃度張福裴場之閒復鑿大河闊二十丈長千六百七十丈名曰張家莊河而時凡為引淮之河五公既會張福裴河於裴家場又益以大引河以刷黃又會爛泥淺於三汊從七里河逕文華寺專用其力以濟運又虞其勢之偏注也於清口之上築壩臺一道逼淮水三分入運七分敵黃諸河相連沛然而出會淮水壯激灑為二河土人神之名曰天然河天賜河在張福裴場之間於時凡有七引河控引淮流北至清口廣百有餘丈淮至是乃與黃會且高黃數尺自惠濟祠上下練影澄瀾與天一色濁流一綫循北岸而已公繪圖以上上大悅立付史館按印川之塞張福王簡二河遂甯之開張福裴場七引河所謂彼此一時蓋湖旺則塞之以期并力湖壅則開之以作水勢所以權時之宜閉仲莊開改建楊家莊閘河防志康熙四十二年春駕閱河工指授大司馬張公曰仲莊清水出口逼湖使南運口有必懸將陶非以下楊家莊處

動挑引河令中河從此出口公承命審視於中河鹽壩處所挑引河穿子隄由雙金閘入鹽河至花家莊池東穿黃河縷隄至楊莊出口長二千三百零八丈南岸自中河子隄起至黃河邊止築隄一道北岸自雙金門間起至花家莊止以遙隄為北隄自縷隄外起至黃河岸止築束水隄一道內建草壩二座收束水勢防黃倒灌又雙金門間磯心窄隘難以行運改造草壩又黃河縷隄斷處建大石閘一座又於花家莊鹽河撐隄上建洩水石閘相時啟閉以利行鹽按清水出仲莊每當北水暴發直射南岸運口之灌在所不免中河口門既移則運口永無齟齬矣 四十四年 皇帝南巡四月十一日 上幸

惠濟祠石工鵬翮率淮揚道張弼等至有 詔召大學

士馬齊以下諸臣跪列河干 上顧曰昔朕三十八年

閱河於此此皆黃水也於是 天顏夷懌然猶 申警

再四籌及下河水利矣是年 諭建惠濟祠王公隄二

挑水壩四十五年移建王營減壩減壩初移四十九年建惠

濟越閘五十一年 諭建卞莊挑水壩五十八年開王

營東引河分滎北趨以保南岸老壩車路口險工也於是治法大備河臣條

上修防事宜在清河者其險工曰石人溝曰玉皇閣屬

北岸其石工曰天妃壩曰惠濟祠屬南岸按卞家汪亦有石工見河

防 志其隄曰護縣隄在舊治後曰張福口橫隄在治前曰

甘羅城隄曰卞家汪隄在治東其縷隄在處有之其壩

曰王家營減水壩按乾隆志有關帝廟前挑水壩曰陳家莊挑水壩卽

御 壩曰卞家莊壩曰惠濟祠挑水壩在山陽外河汎者今多

割入 清河其險工曰老壩口曰小車路口曰大車路口曰朱

家溝曰洪福莊曰柴市曰湯董莊曰上張莊皆南岸其

石工曰王公隄其縷隄在處有之其壩曰王公隄挑水

壩二十年中河工無事雍正元年以清口 御壩廢弛

接築大隄重建風神廟前束水壩五年加築隄工補築王家

營隄清口西壩邊隄加築山陽 王公隄老壩口大車路口等隄 六年初設河營參將游

擊官七年改河道總督為江南河道總督駐清江浦設

河庫道按河庫錢糧舊有道員專管經張鵬翮奏裁而以淮徐道兼管至是孔毓珣奏復設八年

初定歲防料分數章程加築甘羅城以下各隄大修高

堰石工九年初設堡夫每二里設堡堡設二夫巡防積土定土方價分

近難易釐 為八則 十年移惠濟閘於七里溝高堰工成築 御

壩迤東埽工諸埽工畢築十二年濬玉帶河修龍汪閘自雍正紀元以來十餘年中大都守成法補苴無弊矣

至乾隆二年總河高斌奏移運口於舊運口迤上七十

餘丈與三汊河接

即今之運口也

新開運河自張王廟至於龐

家灣

按是時猶新舊並用三十六年始停走舊河

增建通濟福興正越四閘

當是時淮黃交匯猶在惠濟祠後河乘高過淮運口適與相對灌運淤湖患甚巨移而少遠以避黃暴使清外出議者以爲全河要領握樞於此而先是一年河從碭

山毛城鋪南洩正流淤淺猶倒灌陶莊引河淤三年大濬運河建運口挑水壩四年二月大學士鄂爾泰閱視

河工奏言陶莊河長而稍曲擬改定河頭於迎溜之處東北直下四百六十丈尾對惠濟閘接築對岸挑壩令勢益趨北倒灌可免是年建新大墩而其後大水至引河倉卒無及於是高斌言有効力州同李昞者自言能造木龍木龍之法始於陳堯佐禦滑州河水鑿橫木下垂木數條置以護岸後世遵用有效斌令昞試造木龍於御壩下斌以爲神加造二具斌因言陶莊沙灘舊寬百九十餘丈自造木龍裁存九十丈南岸險工漸閉清口壘出其陶莊引河及挑壩皆可省奏入報可或曰木龍入水六七尺能挑順溜不能禦急司事者多不

肯輕用不得其用費與埽等或用得宜隨時拆置惟變

所適自斌倡此議其後完顏偉踵行之皆以引河工不

易就冀補偏救弊然自是陶莊河之議遂寢八年築臨

湖隄十年濬文華寺引河十一年定運口壩金門之制

以四丈為度十二年修吳城甃工十五年豆班集漫口塞之

是年高斌言 御壩木龍池下加築順黃攔清二壩接

築草壩回溜已遠新灘長成十六年 皇帝南巡 閱

視木龍十七年續修吳城甃工三年不竣二十二年春

皇帝南巡 幸運口 諭築攔黃壩築 御壩於運

口頭北壩之北 按此 御壩與陳 御壩為二二十三年白鍾山言

王營減水壩引河淤塞請濬治以運鹽柴 上戒以減

水利少弊多不可不慎二十四年鍾山請切陶莊淤灘

接長清口木龍二十六年移清河縣於對岸之清江浦

以避河患二十七年 皇帝南巡 幸御壩增建木龍

幸高堰建甃工是年七月暴風壞高堰石工二千五

百丈修之三十年二月 皇帝南巡 幸清口增建木

龍三十三年黃水入運三月三十五年黃復入運三十

六年七月開王營減壩以洩異漲 按乾隆二年七年十

十年三十三年皆放減壩見吳嗣爵奏中以無他變不悉書此後悉書之以防漸三十八年四

月復開減壩 以安東上河 汛坐壑漫水十月改建減壩於舊壩之下

減壩再移以壩口
跌塘椿石朽壞
是年濬裴家場天然引河三十九年

八月霖雨老壩口溢水入淮安城未一月塞之
先是一月河由

漫口對岸之毛家嘴北趨與正河分爲二股漫口溜勢稍緩故塞築最易四十年增建清口

木龍初木龍始建於乾隆五年後增加日益多而陶莊

積土漸刷中外爭言木龍矣然河勢終未北趨去清口

近仍倒灌至四十一年高晉薩載請於陶莊上積土北

復開引河使黃水繞北下注清水至周莊與黃會二瀆

並流繪圖入告
上覽之稱善而嫌其太狹謂晉等意

在省費
命濬寬深鉅萬不惜晉遵
旨復奏
上猶

咨度再四是年十二月引河成長千有六十丈明年二

月放河河由陶莊北行晉等又以河無兩行請塞舊河

以爲清黃界壩而於陶莊積土外更築新隄
一名束防

外灘漫水又斜築攔水隄接舊河口壩今順黃壩下隄

也
上悉從其請問古有陶莊池北河流之事否或宋

明以來卽流陶莊以南者晉遂以明時老黃河在陶莊

北小清河在陶莊南依據以對於是河流豈注清黃相

安迄於今由之不變者陶莊河也是年移束水壩於平

成臺
卽康熙三十七年初建雍正元年重建之壩初移於此四十三年增築撐隄

自界壩至於順黃壩尾四十四年築束水隄於攔黃壩

外
按此隄所以收束清水兼爲攔黃壩工新河縷移束

外隄後靠則此所謂外本黃河身而言謂壩東

水壩於惠濟祠前東水壩再移開王營減壩明年二月皇

帝南巡 親閱陶莊引河 謁龍神祠 幸武家墩

諭建石工三月 命大學士阿桂兩江總督薩載展陶

莊河先是陶莊河成而上游祥符儀封皆四十年睢甯曹

考城皆四十年漫決相繼 上心疑而薩載堅持引河暨

順無紆回阻格由是經行以為常四十六年三月再展

引河四月移建王營減壩減壩三移六月大風雨壞高堰吳

城各工而其後七月河大決祥符青龍岡三年不能塞

改由蘭陽商邱以避險自儀封祥符二工流連數載下

游墊益高是年建兜水壩於風神廟前四十九年濬中

河五十年八月黃水倒灌清口淤平始議借黃濟運矣

是年開減壩改兜水壩為束清壩移下惠濟祠前舊壩

為禦黃壩束水壩三移按康熙雍正間及乾隆四十九

年以前祇名東西二壩不名束清至是以兜壩為禦黃其名始定也 濬張福裴家場引河五十一年

黃水漾清口六月開減壩七月李莊按李莊為山安廳

為楊莊東之李莊湯莊煙墩頭河水溢運河溢二井五

河臣敦復始明 孔橋水從玉帶河碧霞宮旁溢街巷至八九尺當事先

堵旁溢之口而畱五孔橋緩築以免隄工著重導水由文渠溝達 水入縣治是年初以黃流倒灌糧艘淤

白馬湖而去阻開減壩以洩黃開五引河 以引清嗣於七月初二日湖水驟長至一丈三尺黃亦

暴漲致有漫口之事惟減壩既開煙墩李莊復溢則事 理之不尋皆堵塞是年阿桂請開玉皇閣引河初陶莊 可解者

河未開之前河形由桃源高家灣折至玉皇閣前又東南至惠濟祠會清東注及開陶莊水從玉皇閣南行抵順黃壩折而北至新河轉而東其順黃壩北岸灘挺出紆回至是分溜由玉皇閣東下陶莊河按此乃分洩之河盛漲始開行之數年險工平五十二年開減壩五十四年開減壩放李工初設兵堡每夫堡二座開兵堡一座五十八年移淮揚道於清江浦開減壩五十九年復開減壩風壞堰工二千丈嘉慶元年開減壩六月運口水溢而其時上游河決豐北其後數年之中曹二年三年四年八年諸工相繼溢清口以下河高及丈九年建臨湖甌工是年黃水灌清口

挑引河以出漕旋淤吳璫請放李工或謀收束運口接長蓋壩或堵合惠濟閘上鉗口壩議未定多端 上命侍郎姜晟至卒從李工之策黃猶未減復籌束運口而天然祥符又議啟放矣或言海口高請改道安東入海上以命吳璫徐端璫端以往年馬家港康熙三十二年五年事套乾隆五十年事皆無功惟以逢灣取直接築關外長隄二策依違入告 上終屬意海口十年總督鐵保奏言河防之病舊有三說海口不利一也洪湖淤墊二也河身高仰三也明臣潘季馴時雲梯關外沙積成灘行水之路不及十一本年徐端親至海口寬千餘丈攔門沙上

過水五六尺以今較昔尚為壅順且從古無濬海之法亦無別改海口之處此說竟可勿論矣前河臣靳輔時湖中止存小河寬十餘丈今則湖面寬數百里深二三丈豈為淺阻此說又可勿論矣詢之士人嘉慶八九年閒河底淤高至八九尺清水不出病實由此但攷河性通塞靡常有時上壅而下通有時上深而下淺有時上下皆通中忽淺澀如徐州素稱淺仄動輒泛漲近年水不出槽河底刷深豈盡人力臣參觀潘靳治河之法全不治此而專心致志於清口清口壅則河腹深海口順洪湖不泛一舉三善今之受病與昔正同惟大修閘壩

全復舊規去新受之病收舊刷之利而已疏入 上優

詔答之十一月運河溢五孔橋下玉帶河水入縣治按是

時因修建清江正越閘開玉帶河以備行船是年建新

禦黃壩於順黃壩北離舊壩三百八十八丈移東清壩於運口南東

壩四十一年修運口清江諸閘惠濟越閘通濟正六月

放減壩水穿鹽河由六塘歸海奪溜旁趨 上意河勢

有變遷之機而先年民間有黃河走海州之謠冀可因

勢利導乃 命治河諸臣具圖由六塘與雲梯孰近掣

溜孰多以聞於是戴均元鐵保徐端合詞奏言自減壩

下六塘出開山海口即灌較差正河近百餘里掣溜六

分形勢果成可更定海口然猶以爲六塘地下支河多
難懸定是年壩水衝四鋪民堰入張家河均元等遂稱
正河日淺新河奪溜八分與 上意微合於是 朝廷
以改道將定天意旋轉非人力所及清口可冀深通堰
工永保淮揚永無水患 御製黃河改道記傳示中外
均元等乃言測量水勢主事劉台斗知縣曹約言自減
壩放舟行經張家河三汉口入南北六塘水勢匯漫趨
大伊山東穿場河平漫東門六里義澤諸河合注歸海
其入海之口南爲灌口中爲五圖河北爲龍窩蕩亦合
爲一茫無津涯按以勾股測量之法自減壩至新口地
勢計低七丈二尺至舊海口低五丈八尺較差丈有四

尺流行頗鬯臣觀新河形勢掣溜已及九分惟張家河
河身仄小兩岸膠土東門六里河凡九道大溜所在望
洋莫辨入海之口灌河最巨水色轉清龍窩五圖黃流
奔駛又苦狹小必歸一路方可經久又六塘上承蒙沂
諸泉水今爲黃奪必致泛濫旁支爭并亦須別籌臣等
伏思往時馬港二套久無成功今河由減壩自行誠天
意旋轉然惟因勢利導順其自然如張家河刷出河身
六塘并歸灌口則事機大順亦必築隄攔束需帑可三
百萬又非一年數月所辦意且試行一年俄觀所趨漸

築遙隄約攔水勢或不如願則疏濬舊道雖勞費不貲
 庶幾不致兩有岐誤先是鐵保等以海口未可改易及
 減水奪溜冀可因其自然僥倖以當 上旨而水勢浸
 泛濫四出復兼權兩策以求萬全塞重責亦會上游周
 汎郭家房相繼決遂寢改道之議十二年春塞減壩濬
 海口歸故道是年清口仍倒漾十三年六月運河驟溢
 開余家壩以洩暴漲 按原奏以為啟放後百齡奏以為
 潰決當日宜洩不及遂成兩缺口
 至百數十丈 與決何異乎 吳璫徐端請於伏汎堵禦黃壩回空啟放
 遂為永制十四年閉玉帶河開清江閘尋分行十五年
 閉五孔橋築雲曇壩七月雲曇壩決塞之修惠濟正閘

改議高堰碎石坦坡為培築二隄坦坡之議起嘉慶十
 年試行有效以費鉅弗績至是因靳輔所築二隄議加
 高厚未興工而是年十月高堰石工壞四千餘丈十六
 年春湖水耗竭借黃濟運增築禦黃二壩濬玉帶河疏
 運河五月河水潰減壩由東北舊河形入海於是勒保
 陳鳳翔歸咎海口請棄關外新隄不守 按新隄在雲梯
 關以下十二年
 也 所築 上不許而責鳳翔欺抵鳳翔又欲留口門三十
 丈洩漲水 上責以堵合而上游棉拐山李家樓繼溢
 湖大漲順清河吳城皆開於是百齡新督兩江百齡奏
 言臣聞河病不在海口夫南河之勢海口是其尾閭清

口譬諸腸胃必腸胃梗結全消斯尾闈鬯行無滯淮水

自西向東與周橋五壩遙對黃河在北淮流入黃其勢

不順

按此亦權時之論今日黃流乃淮水經瀆豈有入黃不順之理乎正由黃水歷年浸灌湖同欹器非

引河不足以接其勢耳

是以靳輔疏濬五道引河直插湖心接勢

北行又恐力不敵黃復於運河口門外築磨盤埽建束

清壩清水大則拆寬束清口門黃水大則啟除減壩封

土黃減而不決清漲而不溢盪滌流行滔滔無阻今河

工弊壞誤於前者有三誤於後者有三磨盤埽爲湖河

樞紐歲歲加修迨後在事諸臣視爲無用甚至謂其阻

塞清水廢棄無存誤於前者一也二十年來止太平一

河尙復興挑其餘引河幾成平陸誤於前者二也海口

濬船三百爬梳積淤久廢不用誤於前者三也衡工漫

口一年時河病未深若早於清口上下大加疏濬可復

舊規遷延悠忽坐失事機誤於後者一也嘉慶十年淮

黃並漲不開王營減壩轉開下游二十餘里之李工黃

水不消清逼入運頭壩跌塘五丈黃水躡後湖運均害

誤於後者二也十一年清口外淤積成灘河趨北岸開

放減壩黃水猛注刷成漫口十年可放而不放十一年

不可放而放誤於後者三也竊謂全河之勢須從上游

講求臣觀老壩上下褰裳可涉此而不濬恐放水後更

難為力宜仿靳輔川字河法於河身兩旁抽溝二道一
律深闊至海口既無攔阻謂應堅守正河以復故道八
月塞棉拐山而李家樓未堵當是時長河千有餘里自
交界以至海口要工並舉集夫無慮四五十萬人從事
官常五六百自督臣以下震懼欲次第施工而 天子
軫念憂勞銳意並舉十一月遂塞減壩順清河吳城皆
塞明年二月築李家樓復故道十七年更定東清壩之
制東清壩五移百齡議曰舊東清壩在運口之北嗣因
黃高清弱一經收窄湖水入運更多而入黃轉少是
以嘉慶十年移建湖口若湖水盛漲不若仍建於運口
之北克收挑逼之功今宜兩存其制層層關鎖按是時
有兩束於是陳鳳翔以罪去尋憂死黎世序起而代之
清壩矣

而百齡新建大功方任事其年遂移三壩濬三河移仁
義三

壩於蔣壩南附近
山岡地下開三河罷二隄以培大隄世序奉承而已無

所異同然守法最為安靜矣是年改建減壩加二壩築

壩下束水隄減壩四移按改建減壩奏定於十三年購
料於十五年至十七年乃興工十八年告

成以中更
多故也十九年挑清口引河放李工二十一年建禦

黃重壩即二壩
舊基二十三年建東清二壩在東清壩北運
口蓋壩南相距

五十
丈處建惠濟閘上鉗口升關壩二十四年開吳城七堡

放減壩是年以蘭儀再溢水入洪湖諸閘壩皆啟及馬

營壩奪河而北湖驟縮急籌收蓄明年五月河乃復南

趨而清口吳城旋啟放數月之中驟啟驟閉捷若轉圜

初碎石護埽始於蘭第錫後吳璈徐端多用之徐州近山處至是險工皆用之又以收蓄壩工用及清口矣道光二年黃水漾清口四年黎世序卒十月黃水大漲議啟減壩不果漕艘僅而得濟十一月高堰十三堡缺口百三十餘丈風壞石工萬一千餘丈於是借黃濟運之議復起而學士潘錫恩極陳其弊大略言河臣變亂舊章禦壩遲堵釀成巨患且洩黃不於下游減壩輒開祥符禦壩已灌於下祥符復灌於上湖底安得不高若更引黃入運漕船未渡運道淤滿不出三年河患恐非意料之所及也且借黃濟運之謬 仁宗皇帝固嚴切言

之矣陳鳳翔不知遵奉遂有河決減壩及棉拐山李家樓之事黎世序謹守成規十年無患今不法慎守之世序而法慎事之鳳翔且明年之事尤有甚者十五年高堰掣通在十月三日今年較遲四十日十六年三月一日開禦黃壩清水已蓄然且貽害近年正二月出運卽須啟壩引黃蓄清則比昔爲遲引黃則比昔爲早兩者相乘爲害加速此最下之策斷不可出者也臣愚謂宜堅築禦黃壩暫緩淮泗揚浙漕船僱修高堰深挑引河接長蓋壩俟束深清口然後啟壩渡漕仍急堵閉至江廣船則謹遵 仁宗聖訓甯使剝運渡黃不可借黃濟

運較之貽患全河勞費相遠奏上下 欽差文孚汪廷
珍議議上以爲嘉慶十年曾議撥船接運戴均元議駁
以南漕四百餘萬須增剝船五千統計腳價津貼添造
各費須四百萬又東省闡河重空不能並行必誤豫東
軍船冬兌之期窒礙難行至借黃濟運運河仄小黃流
湍悍多則難容少又淤淺實非善策惟有參仿成案不
泥其法先於禦黃壩外添建壩工三道鉗束黃流禦黃
壩內築成絳道並以束水仍築土壩數十資以逼溜嚴
堵束清以杜灌湖深挑運河不致淺阻期於來年夏至
前黃未長發催船渡黃速堵禦壩其王營減壩仍築裏

頭以備啟放高堰石工亦限大汛前砌高十層禦水一
丈循序減洩然後設法減黃相機收蓄漸復舊規其所
籌議委晰曲折猶不免借黃然已無可如何遂施行十
二月高堰堵合湖大耗竭黃水高清丈有三尺明年二
月禦黃壩啟而先堵之束清壩刷蟄過水五河受淤於
是提船僦渡而豫籌江廣剝船以備盤運至五月堵禦
壩而別開濟運壩濟運壩者在三壩之下頭閘之上乾
隆中嘗開以濟運者也是時漕船未渡者多剝船不足
則別顧河南山東民船而盤壩接運經費又百餘鉅萬
矣濟運壩過水旣少船皆膠滯已剝之船不能退讓愈

剝愈遠車驢日一往返裁及半月盤米不及十萬餘米百有餘萬石議截畱淮揚存貯爲次年搭運或支放回空軍食冀以支吾 天子聞之震怒而是時總督琦善初至力求濟運之策議以首進回空軍船接運然終以勉強補苴於是海運之議起而灌口改道之說復萌芽矣按是時議定來歲新漕由海運者惟江蘇一百五十餘萬石其餘他省二百四十六萬餘石仍盤壩接運初督臣以海運旣行禦壩當堅守然後議坦坡以蓄清改海口以減黃二策並建尋以灌口高仰河形仄狹奏停專意坦坡於時高堰工成而東河總督張井請赴江南會議六年春井至與督臣同赴海口而身獨回東省

途次拜疏略言黃河病在中滿萬難坐視臣擬由安東縣東門工下別築新隄而以見在北隄改作南隄中挑引河繞避高淤傍舊河行走至絲網濱下仍歸見在海口水勢高下三丈鬯順東趨禦壩立啟盤壩海運皆可省於是諸臣會議多陳陳相因 上異井言以示琦善琦善與副總河潘錫恩議以爲東門工舊拋碎石多阻礙中互湖蕩築隄繞越不如放減壩濬舊河議定而強井會同入告六月錫恩親行減壩以北抵六塘築格隄九千丈皆已施行矣而給事中楊瑄奏言不便且言嘉慶十一年開放減壩不數月上游周汛郭家房蘇家山

漫口者三十六年減壩漫口甫一月而上游棉拐山李家樓漫口者二誠恐今日啟放將有下壅上潰之事於是并奏言給事中言是減壩未見鬯消倒灌可虞禦壩難啟臣前所改東門工議者以碎石阻礙今可於減壩下東門工上之李工接築北隄斜趨東向仍用改河之議而避碎石之阻奏成先以草示琦善琦善亦奏言改自李工安東城池如何繞越穿過鹽河何以籌辦新隄二百里如何防守於是二臣意見不同而上獨切責并游移無定見亟令興舉八月遂放減壩清水鬯出盡開吳城七堡至十月而又以清黃相平告矣是年增培

高堰大隄十一月風壞石工三千餘丈七年正月正河濬成三月塞減壩三日而黃水復漲急堵禦壩始議倒塘灌運灌運始於此也八年改建中河鹽開其年中河緯隄溢塞之開臨黃堰西替河以備灌塘九年加寬高堰五丈三年乃畢初挑塘河

南至臨清堰北至草開謂之塘河自七年至此重空

六次倒塘受淤初議興挑也

十一年四月暫啟禦黃壩以通漕旋灌

運十二年八月桃源奸民決河入湖湖暴漲盡開吳城七堡禦黃壩順清河以洩湖入黃于家灣下黃河斷流二十餘里時潘錫恩以宗人府丞上疏謂全黃入湖爲害最鉅請開蕭南以掣全河上游既開下游立涸河從

蕭南隄外蕩漾千里澄為清水然後大關東禦兩壩全

湖鬯出中梗之病藉此可滌因敗為功無善於此而尙

書朱士彥復欲於桃源清河界上勅立新隄東抵安東

改河繞越而以舊河為清水尾閘移清口於安東蕭工

可以鬯出

按士彥此議出於前河臣嚴烜時已回籍士彥採以入告也

其說與張井

改河李工之策近近於變通救弊及明年而于工塞事

皆未施行

咸豐志按是編本朝河運各工謹據南河成案行水金鑑諸書故止於道光十三年嗣

後十餘年中無大變更其二十二年之楊工漫口繫在桃源境內清河西北一隅被災而已至歲修

必書其有關於全河大局時事既述有未敢私議者缺漏之譏知不免已



查



書名	清可學記		
冊數	10	版別	
紙		議價章	
議價	15-	年	
月		日	
編號	字第	656	號

北京市圖書業同業公會印制